





M



SAMVELIS PETITI
DIATRIBA

*De jure, Principum Edictis, Ecclesia qua-
sito, nec armis adversus temerantes
aut antiquantes vindicato.*

42

t. 1. p. 10



BIBLIOTECA NAZ.
ROMA
VITTORIO EMANUELE

AMSTELODAMI,
Apud Ludovicum Elzevirium,
CLO IOC XLIX.

SEMPER PARATI

OLIVARIA

OLIVARIA
OLIVARIA
OLIVARIA



OLIVARIA
OLIVARIA
OLIVARIA

Per-illustri & Incomparabili
Viro

CLAVDIO
SALMASIO,

Equiti, Consiliario Regio, Do-
mino Sancti Lupi &c.

SAMVEL SORBERIVS

χαίρειν καὶ ἀπεχθέν.



*Ffero tibi dissertati-
culam, Vir Illustrissi-
me, quam dudum eru-
diti multi à me effla-
gitaverant; sed cujus
edendæ consilium, alieno tunc (ut vi-
debatur) tempore, probare non susti-
nueram: occasionem enim illi præbuit
olim bellum civile quod Religionis*



EPISTOLA

ergò totum fermè decennium in Gal-
 liâ nostrâ seviit, donec scilicet caesis
 exercitibus nostris, captâ Rupellâ, in-
 centoribus populi deficientibus, affli-
 ctis Protestantium rebus ingenia de-
 ferbuere. Vnde palam omnibus tan-
 dem factum est, divino Numini quæ
 contra Principem legitimum à subdi-
 tis, nec libertatis antiquo munere
 fruentibus, bella geruntur minus pro-
 bari, quamvis asserendæ veritatis, &
 veri cultus divini stabiliendi prætex-
 tu suscipiantur. Hoc hodie quàm sit
 tristi experienciâ compertum nemo
 non videt. Ea fuit quondam S A-
 MVELIS PETITI τὸ μακαρίτης
 mens, sed non unquam credita Teu-
 cris. Eam autem vir ille summus, non
 in ultimis sanè censendus eorum qui
 Rempublicam literariam suis vigiliis
 ornatum ire voluerunt, sibi & Musis
 canens

DEDICATORIA.

canens (nam surdis ob armorum stre-
pitum & tubarum clangorem fabu-
lam narraſſet) Diatribâ iſtâ expreſ-
ſerat; quam inter ſchedulas meas ob-
viam nuper habui, & cum nihil aliud
jam præ manibus eſſet quo te dona-
rem, typis committendam cenſui, ut
munuſculi iſtius factâ occaſione teſta-
rer publicè quantum te colam, quantæ
ducam felicitati innotuiſſe tibi, hocce
biennium proximè elapſum tecum e-
giſſe ſub iiſdem mœnibus, nec ſine
paulò interioris familiaritatis uſu. quâ
mea *Εὐχία* jure gloriôr, & gaudeo;
quippe quâ jam penitus ſedata eſt ſitis
huc uſque inextincta magnos virtute,
ingenio, & eruditione viros adeundi,
contemplandi, penitiuſque dignoſcen-
di. Hoc enim mihi animo deſiderium
ingens à parvulo injecerat optimus
avunculus nominis tui cultor exi-

EPISTOLA

mius, quod quidem librorum lectio
nonnulla fovit, quod unà cum adul-
tiore ætate crevit, cui Lutetiae post
integrum quinquennium nondum satis
prorsus factum putavi, etsi cum viris
innumeris admirandis familiariter
versatus sim, cum tu restares adhuc
oculis nostris invisus, & scriptis tan-
tum tuis immortalibus notus. Contigit
igitur mihi Leydæ quod in votis uni-
cum deerat ad bonæ mentis studium
nostrum ulterius promovendum. Atq;
insuper contigit ut me benevolentiae
tuæ parte nonnulla dignatus fueris,
nullo sanè merito meo, qui tenuitatem
meam non ignoro, æqui tamen boni-
que consulens cultum quo virtutes
tuas incomparabiles prosequor, & af-
fectum illum quem in rem literariam
solidioremque sapientiam intemera-
tum servabo, favente Numine, dum
tui

DEDICATORIA.

tui ero meique memor. Tu, quæso, Vir
 Magne, Vir Mirande, Vir sine exem-
 plo, fac ne memoriâ excidam tuâ,
 neque bonum illud invideas mihi, quo
 solo, per adversam in cæteris perse-
 quendis fortunam, frui licet. Gratâ
 enim recordatione vitæ cum magnis
 viris actæ mirè delector, atque adeo
 incredibili perfundor voluptate quo-
 ties heroës illos intentâ cogitatione,
 absentes licet, veluti præsentés intueor,
 & benevolos, repetitâ præteritorum
 memoriâ, iterum experior. Magno
 certè solatio fuit semper quod viris
 eruditorum principibus non displicue-
 rim, dum me lividis suis moribus mi-
 norum gentium Doctores peterent.
 Nempe si quid in nobis est non sper-
 nendi, si quid lævâ sub parte mamillæ
 ritè salit; si quâ valemus industriâ,
 hoc non satis animadvertere potest,

EPISTOLA

nisi qui perspicacissimâ ingenii acie pollet; nec semel animadversum laudare, nisi qui virtutibus illis abunde sit instructus, quarum in nobis tenuia fortasse rudimenta & exigua semina conspicit. Pietatem & probitatem arctissimè amplecti; candorem & modestiam unicè amare; mentis cultum plurimi facere; penitus velle res introspicere; pronum ad singulis beneficiendum animum gerere; viros quoscunque magnos suspicere & venerari; neque res laude dignas præmio debito fraudare, eæ sunt artes meæ, iis ausim gloriari. Ea sunt fortasse quæ tibi haud improbanda venerunt, & propter quæ ingenii tarditati, & ceteris nævis nostris ignoscere voluisti. Id quidem factum bene; & ex illo sapientiæ & eruditionis fastigio, ad quod te supra mortales ceteros erectum suspicimus.

Comi-

DEDICATORIA.

Comitatis id erit nunc tuæ, quâ neminem non statim devincis tibi, si oculos inde demittas, dum ea paucis perstringam quæ ad Diatribam spectant.

Duo, inquam, sunt de quibus nonnumquam audiivi PETITVM nostrum magnâ ingenii vi, tum multo sermonis nitore differentem. Nempe quàm incautè se gererent subditi (nam Respublicas ille liberas sui juris esse permittebat, neque Principibus supremam cum authoritate imperantibus gladium suum eripiebat) qui vi & armis Religionem defendendam aut promovendam adversus Regem legitimum esse putarent: quàm verò præter omne jus & Christianorum officium facerent, qui dissentientes circa Religionis dogmata homines odio prosequerentur, damnoque ea de causa afficerent; utpote quorum aberrantium

EPISTOLA

*misereri potius nos deceret, quibus, ut
judicio infirmioribus, tantò impensius
opitulari deberemus. Videtur equidem,
ajebat ille, qui hæresin suam armo-
rum ope tueri conatur, quasi divina
esset, & omnium certissima, eo ipso
fidem ejus elevare & veritatis vim
infirmare. Nam quæ vera sunt, nullo
egent fucò, nullo nisu, ut animis homi-
num indantur; sed nudè tantum &
apertè proponi debent, cùm mentis
humane sit oblatam veritatem, ut
oculi non malè affecti lucem intueri.
Præterea ut Sacerdotis & sacris ad-
dicti est, iis se non immiscere quæ ad
Magistratum & ad civitatis regimen
politicum attinent, quæ Pontificii sui
non sunt; ita non est subditi gladium
Magistratus usurpare. nec magis pec-
cabit legislator in foro Conscientiæ, qui
statuta ad civitatis suæ tranquillita-
tem*

DEDICATORIA.

tem spectantia pro sanctis & divinis
 haberi volet ; quàm errabit ille zelo
 præpostero , qui mysteria Religionis
 suæ politicis mediis confirmare cona-
 bitur, quasi hujuscemodi artibus sacra
 indigerent, & ad forum politicum per-
 tinerent. Quare non putabat noster
 fidelium esse , nedum subditorum , ob
 edicta & privilegia quedam minus
 observata in Principem suum insur-
 gere , imperii jugum excutere , regni
 quietem turbare , exercitus conscribere
 , copias cogere, urbes munitionibus
 obvallare. Sed si quid gravius incum-
 beret ferendum, precibus apud Deum,
 supplicationibus apud Regem eniten-
 dum esse ut fieret levius : obsequio &
 fide demerendos esse animos eorum
 qui clavo assiderent , juxta illud Pe-
 tri Apostoli, τὸ θεὸν φοβεῖσθε, τὴν βασιλέα
 τιμᾶτε . Quæ si ferociores adversario-
 rum

EPISTOLA

*rum mentes non demulsiſſent, levius
tamen evaſurum patientiâ quidquid
corrigenæ neſas erat. Denique vel ſo-
lum eſſe vertendum duriora non fe-
renti, vel extrema ſtrenuiori athletæ
forti animo perpetienda. Extrema
autem illa morte finire, quæ quidem
de vita futura perſuaſo pectori non
eſt admodum reformidanda. Ad quæ,
memini, habebat ſæpius in ore elegan-
tiſſima Michaëlis Hoſpitalii Cancellæ-
rii carmina,*

*Sed neque mors aut eſt, aut
debuit illa videri,*

*Quam melior deinceps æter-
naque vita ſequatur :*

*Nec gravis hoſpitii mutatio,
cùm loca putri*

*Hæc congeſta luto, clariſ mu-
tentur Olympi*

*Sedibus, & magno ponas ve-
ſtigia cœlo.* *Vt*

DEDICATORIA.

*Vt autem vir ille summus in Historia
veteris Ecclesiæ erat versatissimus,
ab incunabulis Christianismi ad nostra
usque tempora recensebat quàm verè
dictum, Sanguinem martyrum
semen fuisse Ecclesiæ: adeo enim
excrevisse memorabat nomen Chri-
stianum ob fortiter perpeßas, non verò
ob repulsas consertis viribus persecu-
tiones. Fieri enim vix potest, adde-
bat, ut qui hominem Christianum vi-
dent morum integritate, vitæ inno-
centia, mansuetudine, μακροθυμία,
nullis non aliis virtutibus profes-
sionem suam ornantem, nullis non justi-
tiæ fructibus onustum, pristinam fe-
rocitatem non deponant, & ipsi tan-
dem sciscitabundi sponte veritatem
non inquirent. Nam cum nemo malus
diu gaudeat, sed scelerum sibi conscius
perpetuos tumultus mentis sentiat,
qui*

EPISTOLA

qui *Ἐποικίαν* Vitæ turbant, atque idem.
 animadvertat fratrem Christianum
 dissentientem perpetuò sibi constare,
 rectum animi servare, eandem ubique
 vultus serenitatem retinere, nullis
 commoveri casibus adversis, procul
 dubio percontabitur, quenam sit illa
 doctrina cujus beneficio *ἀταραξία* est
 consecutus. Hac arte vetus Ecclesia
 crevit, & majorum nostrorum memo-
 riâ Orbis Christiani facies renovata
 fuit. Non opum sitis, non honorum
 pollicitatio; non famæ & gloriæ spes,
 non tranquillitatis humanæ deside-
 rium, è tyrannide Antichristi exemit
 quamplurimos Christi servos, qui mor-
 tem præsentem intuebantur cum de
 suscipiendâ Religione puriori cogita-
 bant. non pondus rationum, in se gra-
 vissimum, tantum opus perfecit; vi-
 gent enim adhuc, & insuper habentur:
 sed

DEDICATORIA.

sed probitas insignis fidelium illius ævi, & vera morum reformatio unumquemque sollicitabant serio inquirere in veritatem doctrinæ pro quâ viri præstantes & coram hominibus insonites extrema patiebantur. Quæ decenti Petitus proferens gravitate tandem Sulpitii Severi autoritate confirmabat, cujus in Historiæ Sacræ lib. 2. locus insignis exstat, quem non piget referre. Diocletiano, inquit, & Maximiliano imperantibus acerbissima persecutio exorta, quæ per decem continuos annos plebem Dei depopulata est: quâ tempestate omnis ferè sacro martyrum cruore orbis infectus est: quippe certatim gloriosa in certamina ruebatur, multoque avidiùs tum gloriosis mortibus martyria quærebantur,

tur , quàm nunc Episcopatus pravis ambitionibus appetuntur. Huc referebat quæ Cyrillus habet in locum Ioannis de gladio Petri. Thebæa legio, ut acta nos docent, militibus constabat sexies mille sexcentis sexaginta sex Christianis omnibus: Qui cum Maximianus Cæsar apud Octodurum exercitum compelleret sacra diis falsis facere , primum Agaunum iter arripuerunt : & cum eò misisset Imperator qui eos ad sacrificandum venire iuberet , ipsique se id factururos negassent , Maximianus decimum quemque iussit interfici per apparitores : qui nemine repugnante facile imperium sunt exsecuti. Mauriti-
 us ejus legionis primicerius , à quo Agaunum vicus Mauriti dictus est postea , narrante Eucherio Episcopo Lugdunensi , eo tempore commilitones
 sic

DEDICATORIA.

sic allocutus legitur : Quam timui, ne quisquam, quod armatis facile est, specie defensionis, beatissimis funeribus manus obviam afferre tentaret? jam mihi ad hujus rei interdictum Christi nostri parabatur exemplum, qui exemptum vaginâ Apostoli gladium propriæ vocis jussione recondidit: docens majorem armis omnibus Christianæ confidentiæ esse virtutem, ne quisquam mortali operi mortalibus dextris obsisteret, quin imo cœpti operis fidem perenni religione compleret. Cum hoc supplicio peractò Imperator superstitionibus eadem quæ ante præciperet; sic omnes respondent: Milites quidem, Cæsar, tui sumus, & ad defensionem Reipublicæ Romanæ arma suscepimus: nec un-

* *

quam

EPISTOLA

quam aut desertores bellorum,
aut proditores militiæ fuimus,
aut ignavæ formidinis merui-
mus subire flagitium. Tuis et-
iam obtemperaremus præce-
ptis, nisi instituti legibus Chri-
stianis, dæmonum cultus & aras
semper pollutas sanguine vita-
remus. Comperimus præcepis-
se te, ut aut sacrilegiis pollueres
Christianos, aut de denis inter-
fectis nos velles terrere. Non
inquiras longius latitantes: nos
omnes Christianos esse cogno-
sce: habebis potestati tuæ sub-
dita omnium corpora: aucto-
rem verò suum respicientes
Christum animas non tenebis.
*Tum Exuperius legionis signifer, sic
eam allocutus ibidem narratur: Te-
nere me, Commilitones opti-
mi, sæcularium quidem bello-*
rum

DEDICATORIA.

rum signa perspicitis: sed non ad hæc arma provoco, non ad hæc bella animos vestros virtutemque compello. Aliud vobis genus eligendum est præliorum. Non per hos gladios potestis ad regna cœlestia propere. *Deinde Imperatori hæc nuntiari jubet:* Non nos adversum te, Imperator, armavit ipsa, quæ fortissima est in periculis, desperatio. Tenemus ecce arma, & non resistemus, quia mori magis quàm vincere volumus, & innocentes interire quàm noxii vivere præoptamus. *Et postea:* Tela projicimus, exarmatas quidem dexteræ satelles tuus, sed armatum fide catholica pectus inveniet. *Sequitur post hæc laniena in non repugnantes, in cujus narratione hæc sunt Eucherii verba:*

EPISTOLA

Ne iusti punirentur multitudo non obtinuit, cum inultum esse soleat quod multitudo delinquit. *In Veteri Martyrologio res eadem sic narratur:* Cædebantur itaque passim gladiis non reclamantes, sed & depositis armis cervices persecutoribus, vel intactum corpus offerentes, non vel ipsa suorum multitudine, non armorum motione elati sunt, ut ferro conarentur asserere iustitiæ causam, sed hoc solum reminiscentes, se illum confiteri qui nec reclamando ad occisionem ductus est, & tanquam agnus non aperuit os suum, ipsi quoque tanquam grex Dominicarum ovium, laniari se tanquam ab irruentibus lupis passi sunt. *Non est igitur ut quis statuatur Christianis in certissi-*

DEDICATORIA.

mo mortis periculo cum non se defen-
derent vires , non animum defuisse.
Imprudens certè & impudens fuisset
Tertullianus si apud Imperatores, qui
ejus rei ignari esse non poterant , ita
confidenter ausus esset mentiri : Si
enim hostes & apertos , non
tantùm vindices occultos agere
vellemus , deesset nobis vis nu-
merorum & copiarum. Plures
nimirum Mauri, & Marcoman-
ni ipsique Parthi , vel quantæ-
cumq; unius tamen loci & suo-
rum finium gentes, quam totius
Orbis. Externi sumus, & vestra
omnia implevimus, urbes, insu-
las, castella, municipia, concilia-
bula , castra ipsa, tribus, decu-
rias, palatium, senatum, forum:
sola vobis reliquimus templa.
Cui bello non idonei , non
prompti fuissimus, etiam copiis

EPISTOLA

impares , qui tam libenter trucidamur , si non apud istam disciplinam magis occidi liceret, quàm occidere ? *Sequitur hic quoque magistrum suum Cyprianus ad Demetrianum , & apertè prædicat ;* Inde est quod nemo nostrum, quando apprehenditur , reluctatur: nec se adversus injustam violentiam vestram , quamvis nimius & copiosus noster sit populus , ulciscitur. Patientes facit de secutura ultione securitas. Innocentes nocentibus cedunt. *Et Lactantius:* Confidimus enim Majestati ejus, qui tam contemptum sui possit ulcisci, quam servorum suorum labores & injurias. Et ideo cum tam nefanda perpetimur , ne verbo quidem reluctamur : sed Deo remittimus ultionem. *Nec aliud spectat-*

DEDICATORIA.

*ſpectavit Auguſtinus cum dicit : Ni-
hil juſtus præcipuè cogitat in
his rebus , niſi ut bellum ſuſci-
piat , cui bellare fas eſt ; non e-
nim fas eſt omnibus. Ejusdem eſt
illud : Quoties Imperatores in
errore ſunt , leges ad tuendum
errorem contra veritatem con-
dunt, per quas juſti examinan-
tur, & coronantur. Idem alibi. Ita
à plebibus principes , & à ſervis
domini ferendi ſunt, ut ſub ex-
ercitatione tolerantiaſ ſuſtine-
antur temporalia & ſperentur
æterna : Quod veterum Chriſtiano-
rum exemplo ſic explicat , de Civitate
Dei libro xxi. Neque tunc ci-
vitas Chriſti, quamvis adhuc
peregrinaretur in terris; & ha-
beret tam magnorum agmina
populorum adverſus impios
perſecutores, pro temporali ſa-
lute*

EPISTOLA

lute pugnavit , sed potius ut obtineret æternam , non repugnavit. Ligabantur , includebantur , cædebantur , torquebantur , urebantur , laniabantur , trucidabantur , & multiplicabantur. Non erat eis pro salute pugnare , nisi salutem pro salute contemnere. *Neceſſe eſt ſubjici, ait Apoſtolus Paulus , non ſolum propter iram, ſed & propter conſcientiam; qua in ſubjectione includit non reſiſtendi neceſſitatem. Vnde & alibi Scriptura ſacra vaticinatur populum preſſum injuriis à Rege illatis Dei opem imploraturum , quia ſcilicet humana remedia nulla exſtarent. Quod & Ethnici Ethniciſſimi non negarunt. Principi, verba ſunt Taciti, ſummum arbitrium Dii dederunt, ſubditis obſequii gloria relictæ eſt. Et alibi; Meminiſſe debemus temporum*

DEDICATORIA.

rum quibus nati sumus, & bonos Principes voto expetere, qualescumque tolerare. Si enim parentum instar à subditis coli debeant, idem subditorum officium est quod liberorum, Ames parentem, si æquus est: si non, feras. Nec sine gravissima ratione Artabanus Persa refert: ἡμῖν γὰρ πολλῶν νόμων, καὶ καλῶν ὀνίων κάλλιστος ἔστι, τὸ Τιμᾶν βασιλέα καὶ προσκυθεῖν, εἰκόνα θεῶν πάντας σώζοντι. Nam cum summum Imperium non possit non multorum odiis patere, securitas fungentis peculiariter fuit munienda. Quod Romani etiam in Tribunis plebis constituerunt, ut ἄσυλοι, inviolabiles essent. Displacuit semper Christianis factum ambitionis hominum, qui obtentu adjuvande Reip. in Reges suos insurrexerunt; quod et ad Scapulam jactat Tertullianus: Circa Majestatem

EPISTOLA

Imperatoris infamamur: tamen nunquam Albiniani, vel Nigriani, vel Cassiani inveniri poterunt Christiani. *Cassiani illi erant qui secuti erant Avidium Cassium virum egregium, qui in Syria sumptis armis causabatur Remp. se ire restitutum, quam M. Antonini negligentia perderet. Precibus & lachrymis pro telis & gladiis usi sunt fideles, dura religionis ergo perpetuentes. Sic Iulianum defectorem cum pessima consilia agigaret, lachrymis Christianorum repressum ait Nazianzenus, addens τὸ μόνον ἐχόντων καὶ δυνάμει φάρμακον. A Deo enim & ab alto mali Principes, & quomodo sterilitatem, aut nimios imbres, & cætera naturæ mala; sic luxum & avaritiam, adde severitatem & persecutiones dominantium tolerare debemus. Conversus deinde ad contro-*
versias

DEDICATORIA.

*versas Religionis , quæ scindunt nos
iterum iterumque discordes , ridente
Turcâ , nec dolente Iudeo , & miram
adeo faciunt animorum dissensionem ,
ut nuspiam in toto Orbe terrarum
bella sæviant atrociora & diuturniora ,
atque in Europâ nostrâ , quæ luce frui-
tur Evangelii , & pacis doctrinam pro-
fitetur ; ingemiscebat primum , & ubi
ad remedia tanto malo excogitanda
animum irritò conatu plurimum tor-
serat , de peccatis hominum quereba-
tur , quibus ulciscendis Numen infen-
sum agro suo lolium istud innasci , &
certandi libidinem increocere permittit.
Quid enim , (verba sunt amici nostri
Oratione de Pace haud ita pridem ha-
bitâ) pacem in exilium pepulit , quid
illa miscuit incendia , quibus flagrant
cum nostris regiones exteræ , nisi de
Religione dissidia ? Nam & inquieta
captari solent ab iis tempora qui Chri-
sti*

EPISTOLA

*sti tunicam inconsutilem diloricare
 meditantur, & umbraticæ, quæ di-
 cuntur, controversiæ nimium sæpe in
 discordias exeunt, discordiæ in bella,
 bella in clades proficiunt; quæque vi-
 debantur Lycei parietibus, ac pale-
 stræ regionibus, claudi certamina;
 postquam in pulpitis, ac thronis, ex
 ambone jactari cœpta sunt, & in aulâ
 narrari, & in vulgus disseri, provin-
 cias invadunt, regna tota ruunt, con-
 turbant, & susque deque vertunt.
 Disputatione in dimicationem versâ,
 stylus in telum desinit, & pro atra-
 mento cruore imbuitur, à prælo ad
 prælium itur, cessatur à calamis, pu-
 gnatur armis, pro linguis lanceis, pro
 graphiis gladiis utimur. Exempla uti-
 nam in promptu non essent! Euange-
 lium breve est, Crede Iesum Christum
 esse Filium Dei, & habebis vitam
 æternam. quid opus ergo tot tantisque
 ver-*

DEDICATORIA.

Verborum altercationibus? Sed quo tempore vox illa obtinebat, rudis & simplex nondum se fecerat artem Religio; tunc brevis, hoc totum melior quo vita paratur, regula dictabat, non solis nota magistris, sed populi commune bonum; neque docta serebant jurgia dissidium. Quæ quidem Viri Illustris verba Petitus usurpans præmonebat, nolle se accedere ad componenda dissidia novum Harmostem, nec Syncretismum ullum sibi in votis, cujus ratio cum jacturâ veritatis aut aliquo certè detrimento conjungeretur. Non ignotum sibi, malè cum Dagone Arcam sociari, libertati cum tyrannide, Evangelio cum Idolis, Christo cum Belîâ convenire nunquam posse. Sed tamen cum nemo paullo cordatior inficias ire sustineat, humanæ Sapientiæ partem hanc esse multo maximam, de divinis rebus multa æquo animo nescire;

EPISTOLA

*scire ; de Deo , qui melius nesciendo
 scitur , etiam vera loqui periculosum
 esse ; debere nos itaque juxta vocem
 Apostoli , $\Phi\rho\nu\epsilon\acute{\iota}\nu\ \epsilon\iota\varsigma\ \tau\acute{o}\ \sigma\omega\Phi\rho\upsilon\epsilon\acute{\iota}\nu$, &
 pacem Ecclesiæ , quâ salus populi con-
 tinetur, supremam legem habere. Mi-
 rum est, & quo tamen nihil in natura
 frequentius , meliora & præstantiora
 quæque instituta sensim detorqueri
 depravarique. Nempe illa est rerum
 omnium communis lex, ut nihil sub So-
 le sit non obnoxium corruptioni, quod
 à bono paulatim in malum non defle-
 ctat, à malo verò in pejus casu præci-
 piti non ruat. Hujusce mutationis cau-
 sam Philosophi retulere ad mixtionem
 Elementorum, quibus sublunaria cor-
 pora compinguntur , quæ verò contra-
 riis qualitatibus instructa mutuam
 inter se pugnam exercent , donec com-
 positum dilabatur ; unde & anima,
 corporis hospes , licet incorporea sit &
 auræ*

DEDICATORIA.

*auræ divinæ particula, labeculâ non
 immunis, quodam veluti contagio in-
 ficitur. Nihil enim compertius est,
 juxta Platonem, quàm corpus morbis
 suis voluptatibusque, officere animæ
 ad philosophiam & ad veritatis in-
 dagationem accinctæ. Hinc opinionum
 illa varietas stupenda, hinc quot capi-
 tum vivunt, totidem studiorum mil-
 lia: neque tres convivæ simul esse pos-
 sunt, quin poscant vario multum di-
 versa palato. Adde huic ἰδιόσυρροια,
 peculiarem cujusque institutionem, an-
 ticipatas opiniones, externa quibus-
 afficimur, unde fit ut filius nunquam
 vestigiis parentum pressè adeo insi-
 stat, quin sibi in multis sapiat, mutet
 quadrata rotundis. Et sanè quotidie
 cernimus, quod testamenta quæ à ma-
 joribus condita sunt litibus hæredum
 resecandis, vitilitigatoribus tamen &
 rabulis ansam præbeant, eventu pror-
 sus*

EPISTOLA

*sus condentis voluntati contrario. Non
 abfimili ratione , quæ Religio homini-
 bus à Deo ipso tradita, & à mentibus
 religandis dicta fuit, tot peperit dissi-
 dia , ut patri cum liberis , uxori cum
 conjuge minus inde conveniat. Hujus
 mali aliæ sunt causæ ; præter superio-
 res, innata homini mentis cecitas, vi-
 tio primi parentis nostri contracta, &
 rerum divinarum sublimitas. Rectè
 Calvinus , Humani intellectus perspi-
 cientiâ veritatem querendo, quàm sit
 ad ipsam & querendam & invenien-
 dam inepta prodit , & paullo post:
 Deum nosse , ejus erga nos volunta-
 tem, & formandæ secundùm illam vi-
 tæ rationem, veritates sunt, ad quas
 non collimat , non contendit , non ap-
 propinquat humana ratio . Qui sibi
 plus eâ in re intelligentiæ tribuit , eò
 cecior est quod cecitatem suam non
 agnoscit. Ideoque Deus pater lumi-
 num*

DEDICATORIA.

num vocatur , quia ubicumque Spiritu suo non resplendet, omnia tenebris occupantur , nec patet ulli in regnum Dei ingressus, nisi cui novam mentem Spiritus sanctus sua illuminatione fecerit. Quocirca Ethnicorum plerique, quibus lumen illud divinum non affulserat ; Religiones universas callida Legislatorum inventa perperam existimârunt : quippe cùm viderent homines esse malignos , qui suppliciorum quidem metu abstinerent palam , non abstinerent tamen clam ab inferendis injuriis ; veteres sapienter induxisse opinabantur eam persuasionem , quod divina natura secretiora omnia permearet , occultaque etiam observaret scelera, quæ nisi in hac vita , in inferis saltem puniret per furias suppliciaque illic parata. Huic perniciosissimo fundamento dein superstruxêre alii,

* * *

nullas

EPISTOLA

nullas non Religiones esse bonas, &
 suam unicuique regioni peculiarem esse
 permittendam, ut in ceteris mores,
 instituta, & consuetudines varie ob-
 tinent. Atque adeo, ut Solis & Lunæ
 varia nomina nequaquam Syderum
 universo Orbi illucentium naturam
 variam faciunt; ita Numinis ejus-
 dem appellationes varias immorta-
 lem & simplicissimam unius Dei Es-
 sentiam non immutare arbitrabantur.
 Quo quidem pessimo ratiocinio usum
 legimus apud Socratem Themistium
 Philosophum, ad Valentis Imperatoris
 inclementiam erga Christianos miti-
 gandam; cultuum scilicet vario illo
 apparatu Deum delectari. Sed nos
 docti saniora, ad odia mutua depo-
 nenda hisce remediis venenatis non
 utimur. Super sunt alia Dei benigni-
 tate longè potiora. Nempe scimus ab
 eodem

DEDICATORIA.

eodem parente Adamo nos omnes originem traxisse ; à nobis omnibus coli Creatorem unicum cæli & terræ ; eandem nos venerari *τὴν παναγίαν ἐν ἡμεῖς μωάδα* ; eodem nos Sacro tinctos lavacro ; eundem nos Iesum Christum pastorem sequi, cujus præceptum est, sanctissimo ejus exemplo comprobatum, ut inimicos quoque nostros amore prosequamur. quod sanè difficillimum, sin minus præstare valeamus, pax tamen facta tecta quæ cum omnibus maneat, juxta illud Apostoli, *εἰ δυνάσθον, τὸ ἐξ ὑμῶν, ὡς πάντων ἀνθρώπων εἶπετε ὡς ἑστέ*. Adde rationem, quæ causæ jugulum petit, Christianis omnibus de eodem fidei sacræ symbolo inter se convenire. Quamvis autem, prout quisque doctior & subtilior est, plura quoque videat, quæ in illo doctrinæ Evangelicæ compendio imperitiorem

EPISTOLA

Et obtusiores latent, nihil tamen inde
 ad concordiam labefactandam argu-
 menti. Nec enim debent rudiores suc-
 censere eruditis, quod acumine ingenii
 polleant, aut pollere sibi videantur;
 nec debent isti protervius se gerere in
 infirmiores, quos multa fugiunt sub-
 tiliora. Ridiculum procul dubio foret,
 ab indocto confessionem extorquere
 dogmatis illius quod non capit, vel ab
 erudito postulare, ut abnuat Et ex-
 pungat opinionem quam altè imbibit;
 nisi prius iste dedoceatur, alter verò
 culturae patientem aurem præbuerit.
 οὐ φιλικόν, ait Aristoteles Eth. ad
 Nicom. lib. 9. cap. 6. τὸ πρὸς τὰς ἀρετῶν
 ὁμονοεῖν. Ad amicitiam non facit
 de rebus cœlestibus concordēs
 esse. Cui consonant versus notissimi.
 Non eadem sentire bonis de
 rebus iisdem Incolumi licuit
 sem-

DEDICATORIA.

semper amicitia. Memores ergo sumus, Christum nobis abiturientem unice pacem in mandatis dedisse. Εἰς τὴν αἰῶνα ἡμῶν, εἰς τὴν αἰῶνα τῆς ἐκκλησίας διδωμι ὑμῶν. Voto finiam, quod authoris est non incelebris. Faxit Deus, ut illa, quæ è terris hodie exulat, Concordia, in Orbem Christianum, in Ecclesias, in Respublicas, in Cathedras, in animos & scripta postliminio redeat, & ut conspirantibus animis, conjunctis operis, uno corde, uno ore, uno calamo ea doceamus & discamus omnes in terris, quorum scientia nobis perseveret in cælis. Atque hæc plus satis. quæ quidem si paucioribus perstrinxissem, minus, fateor, in publica commoda, (quæ promovere inter diros morbi sevisissimi cruciatus immota mente, vultu sereno non desinis) peccassem, mihi verò in lubrico loco versanti melius

EPISTOLA

fortasse consulissem. Nam fieri posset ut malevolus aliquis vitio verteret, quasi rudis homo, & alienus à sacris, manibus illotis talia tractaverim. Sed absit ut me immisceam disputationibus, quibus jampridem valedixi, aut aliquid in medium adducere velim, quo me oblitum probem veteris adagii, Ne tutor ultra crepidam. Discussionem questionum difficillimarum Theologis permitto, atque in fine illud addo quod Socrates apud Platonem in limine pramonebat, quoties de mysteriis religionis sermo oriebatur. *Χρὴ μνησθῆναι, ἡμεῖς ὡς ὁ λέγων ἐγώ, ὑμεῖς τε, καὶ οἱ κατὰ φύσιν ἀνθρώπων ἔχωμεν.* Equum est nos meminisse, & me qui differam, & vos qui judicabitis homnes esse. Quanquam nihil hucusque ex propria, sed ex authoris nostri

stri

DEDICATORIA.

*stri mente retulerim. Quid enim hisce
de rebus statuendum sit meum non
est judicare. Iudicent eruditi, quibus
gratum facere volui, an ad primo-
rum seculorum simplicitatem ætas no-
stra sit componenda. Nam si alia
ætas alios mores postulat, & ea fuit
Ecclesiæ in cunis adhuc vagientis
conditio, ut in ipsam hostes impunè
grassarentur, fortasse nunc adultior
facta talia ferre non debet? Oecono-
miæ ratio alia nunc esse potest, nec
Spiritus sancti multiplex sapientia
tam arctis limitibus premenda, quin
liceat diversimodè Ecclesiam regere;
atque ita quæ fortitudo in duris olim
perpetiendis, nunc in repellendis ea-
dem exerceatur. Sed eò nos sensim
deduxit recordatio suavissima vitæ
cum Samuele Petito olim actæ: cu-
jus sanè viri virtus tantò magis erit
tibi*

EPIST. DEDICAT.

tibi conspicua, Vir Illustrissime, quanto fuimus prolixiores in recensendis quamplurimis. Multa restant alia hujus viri auctoritate, quae inter sunt Animadversiones in Iosephum ad umbilicum non perductae; sed immensâ fruge ex antiquitate reconditiori refertae, quas erit aliquando (licet auctor Plinii exemplo volebat, pro non inceptis haberi, quae non absolvisset) ut otium nacti juris publici faciamus. Accipe interea munusculum, cujus tenuitati velim nonnihil ponderis accedat ex ingenti illo affectu, quo me tibi totum devoceo, ex illo cultu purissimo, quo heroicas virtutes tuas prosequor. Vale, seculi decus Immortale, cum tuis omnibus. Hage Comitis
x Kal. Mart. cld lcc xlix.

SAMVELIS PETITI
DIATRIBA

*De jure, Principum Edictis, Eccle-
siae quaesito, nec armis adversus
temerantes aut antiquan-
tes vindicato.*

CAPUT I.

Argumentum hujus Diatribæ.

QVàm malè de suo nomi-
ne mereantur Christia-
ni, qui religionis obtentu
malum malo dispungunt,
& ultionem operantur, cordato
nemini dubium esse potest: sectam
enim illam sanctam infamant suo
scelere, & odium veritati (quæ ipsa
sibi, si forte, non pariebat) apud vi-
ros bonos & patriæ amantes cre-
ant. Fuit tempus cum à cæteris
hac maxime distinguerentur nota,
Reipub. pacem factionibus & con-
A jura-



juramentis non infestare , nunquam pati suam in præstanda Principibus veneratione , amore , fide , obsequio , operam desiderari . Quorum utinam vestigiis insisteremus , qui nos cognomines dicimus , non toties Gallia istis tremere tota tumultibus , non patrerentur

*Tam multa dictu gravia , perpeffu
aspera :*

non fierent strages , non cæderentur greges armentorum , non epularentur milites , non vastarentur agri , non diriperentur villæ , non matres familias , non virgines ingenuæ abducerentur , militibus traderentur : O patria ,

Quis talia fando

Temperet à lacrymis ?

Effet quidem istis locus lacrymis : Sed comprimamus : Labet potius vos appellare , qui Christianum nomen mentiti , Ecclesiæ tuendæ , & asserendæ libertati , hosticum spiratis ,

Quo .

*Quò quò scelesti ruitis? aut cur dexteris
Aptantur enses conditi?*

An id satis pro Christi disciplina?
Minime gentium: Nam cā jube-
mur diligere inimicos quoque, & ^{Math.}
orare pro eis qui nos persequun-
tur, ut hæc sit perfecta & propria
bonitas nostra, non communis:
Amicos enim diligere omnium
est, inimicos autem solorum Chri-
stianorum: apud istam disciplinam
magis occidi licet quam occidere.
An vero veteris Ecclesiæ exemplo?
Non ita opinabitur quisquis ani-
mo repetet laborum ejus annales:
Cui rei dicatus est à nobis Deum
præfatis hic labor, quo pudorem
τοῖς καχέλαις, ni frons illis ærea, ex-
primamus, & bonos ad meliorem
mentem revocemus hac Philoso-
phia *ἐκ τῶν παραδειγμάτων*. Iubemus
itaque sive rogamus inspicere, tan-
quam in speculum, in vitas pio-
rum, qui pluribus ab hinc retro
seculis fuerunt, atque ex iis sumere

exemplum sibi ; næ illi militem non conscribent , copias non educent , signa non conferent , pugnam non dabunt : Sed contra, si in ea inciderint tempora, ὃ μὴ ᾔσκητο, μηδ' ἔσται, in quibus cum omni ignorantium sævitia concertandum sit , denotati gloriabuntur, accusati non defendent, etiam ultro erumpent, & interrogati confitebuntur, damnati gratias agent.

C A P V T I I.

Judeos armis non asseruisse ritus suos & fidem adversus Reges suos desciscientes, etiamsi sævirent. De Iudeorum & Israëlitarum Regibus quesitum è Iudeorum sententia contra Baronium & Casaubonum, an jus dicerent, & illis diceretur, nec ne.

HÆc quidem non scripta, sed nata Lex videtur, quam non didicimus, accepimus, legimus :
verum

verum ex natura ipsa arripuimus, haufimus, expreffimus: ad quam non docti, fed facti: non instituti, fed imbuti fumus, ut vi vis illata defendatur & omnis honefta ratio fit expediendæ falutis. Sed Christiano, qui feculo renuncia- vit, longè alia fcripta Lex eft, & de cœlo data, quæ de ira, de ma- liloquio interdicit, quæ injuriâ non permittit, nec vicem injuriæ finit, fed jubet *Verberanti in faciêm;* *Matth.*
v, 39. *etiam alteram genam obvertere.* Quod autem in neminem licet, cò ma- gis nec in Principem; qui per Deum tantus eft. Et certè ubi Principes Dei rebus fuperbius in- fultantes, in viros pios fœvierunt, & illos vulgus ad leones depoftula- runt, non à fidelibus cõitiones in Reipublicæ perniciem initæ funt, non ad arma conclamatum eft. Id liquido erit, renovatâ veteris hi- ftoriæ Ecclefiafticæ memoriâ; quod à nobis, *συν Θεῷ δ' εἰπεῖν* fiet,

fiet, quantum patietur hujus operæ nostræ tumultuariæ ratio.

Ecclesia vel est Veteris, vel Novi Fœderis: Illa suos habuit Reges & Principes, ejusdem fidei & religionis consecratos, nisi si qui à Iudaicis ritibus desciverunt: Hæc vero ad Constantini Magni usque tempora, dominata est Imperatoribus idolorum cultoribus, & Christiani nominis, ut plurimum, hostibus acerrimis: Nam Philippos Augustos in Christianis Principibus non debere censi sententia nostra est.

Exod.

xxii,

20.

Deut.

xxviii,

xiii.

Ex Moyfis Lege, si quis populo exemplo suo prævisset ad idololatriam, in illum animadvertebatur: at quanto severius multatus fuisset, si non exemplo tantum, sed pœnis & sævitia ad hanc insaniam populū adegisset, vel bonos, quos חסידים appellant, temerasset, & furori atque immanitati suæ sacrilegè immolasset? Quod à Iudæorum Regum

gum quibusdam factum legimus, ut de Manasse testatur Liber IV. Regum, cap. XXI. Sed non eo vesania ventum erat in gente Iudaica, ut vel ex hac Lege jure experirentur adversus Regem, vel armis insurgerent. Prius illud tentasse videri possent ex iis, quæ observat Illustriss. Annalium Ecclesiasticorum conditor, Tomo I. ad annum Christi XXXI. numero X. siquidem vera essent, quæ ab eo referuntur certo consilio, & arte maxima, ut nimirum Hildebrandinae doctrinae caput illud adstruat, quo non sine ingenti piaculo Pontifices Maximi Regibus solo Deo minoribus præferuntur, & judices dantur. Sed illi controversiam facit Incomparabilis Casaubonus ὁ μακαρίτης, Exercitatione XIII, ad illos Annales cap. V. Qua de re paucis agendum est. Baronii verba hæc sunt, ubi de Synedrio agit: *Erat horum summa auctoritas, ut qui de Lege cognoscerent,*

scerent , & de Propheta, ac simul de Regibus judicarent : Horum namque iudicio Herodes Rex postulatus est. Casaubonus : His Pseudophilonis mendaciis ingentem de suo cumulum adjicit Baronius , cum dixit , concilium hoc septuaginta virorum de Regibus judicasse. Falsum est , Synedrium hoc jus habuisse. In Thalmud Massesa Hassanedrin , perek II, quod incipit , Cohen gadol , jura Pontificum Maximorum & Regum accuratè explicantur. Ibi de Rege ita scriptum : המלך לא דן ולא דנין אותו לא מעיד ולא מעידים אותו לא חולץ ולא חולצים לאשתו : Non judicat Rex, neque de illo judicatur ; non dicit testimonium , neque contra illum dicitur : non exuit calceum , neque pro ejus uxore quisquam exuit calceum. En de jure. Hactenus Casaubonus. Non administrabatur à Iudæorum Regibus Respublica pro arbitrio , sed tantum è Senatus septuaginta virorum sententia , consilio , & auctoritate :

ritate: Iosephus Lib. iv. ubi jura Regum describit. ὧς χαρείτω ἡ εἰς τοῖς μὴ νόμοις καὶ τῷ θεῷ καὶ πλείονα τῷ φρονεῖν, πρασέτω ἡ μηδὲν δίχα τῷ ἀρχιερέως καὶ τῶν τῶν γερασίων γνώμης. *Is quisquis fuerit, plus Deo & legibus, quam suæ sapientie tribuat, nihilque præter Pontificis ac Senatus sententiam faciat.* Idem dicas de Iudæorum Regno, quod de Lacedæmoniorum scripsit Aristoteles, Polit. Lib. iii. cap. xiv. ὅτι ἐστὶ ἡ βασιλεία κυρία πάντων. *Neque verò Rex potestatem habet omnium.* Iudiciorum potestatem & jus illis denegat vir summus, & juris regulam è Thalmudistis laudat, quæ id neget. Regula expendenda est: illius postremum Kaput referri debet ad institutum Legis Mosaicæ, de quo in Deuteronomio cap. xxv. & agnoscit Maimonides Lib. iad extremo, Tractatu מלכים, cujus verba sunt: אשת של מלך אינה נבעלת לאחר לעולם:

לעולם : Regis uxor in æternum
 alteri non nubit : Virginemque
 duceretenebatur. Maimonides ibi-
 dem : המלך אינו נושא אלמנת או
 גרושה : Rex non ducit viduam ,
 aut ab altero dimissam. E duobus
 aliis Kapitibus posterius è priori
 pendet : Nam si judicatur Rex ,
 etiam adversus illum testimonium
 dicitur. Distinguit autem Maimo-
 nides loco laudato inter Reges
 Israëlis , & Reges Iudæorum Da-
 vidis posteros ; illos negat judicia
 reddidisse , aut de illis fuisse reddi-
 ta : negat quoque testimonium ul-
 li dixisse , aut ab ullo adversus illos
 dictum fuisse : At contrarium de
 Regibus , qui ad Davidem genus
 referebant suum , asserit. Verba
 præstantissimi Scriptoris sunt : 1.
 parte Iad chafaka, Tract. de Regib.
 מלכי בית דוד דנין ורנין אותן
 ומעידים עליהם אבל מלכי ישראל
 גורו

גורו חכמים שלא ידון ולא דנין
אותו ולא מעיד ולא מעידין עליו :

Reges familie David quod attinet, judicant illi, & judicant eos alii, & testimonium adversus eos perhibent: verum reges Israel quod attinet statuerunt sapientes, quod non judicet ipse, neque judicent eum alii, neque testimonium perhibeat, neque alii testentur de ipso, vel contra ipsum. Iudicabant itaque Davidis posterii, ut hic legitur, & alibi apud eundem eodem Libr. Tractatu Sanhedrin, cap. II. scribitur, Regem è posteris David judicia, quamvis inter Senatores non sederet, populo reddidisse:

מלכי בית דוד אע"פ שאין מושיבין
אותם בסנהדרין דנין הם את

להם: *Reges familie David, quamvis non constituent eos in Sanhedrin, judicant tamen ipsi populum.* Quod legas eodem Tractatu cap. IV. ab Æchmalotarcha, qui genus suum patēr-

paternum ad Davidem referebat ,
 usurpatum , ראשי גליות שבבבל
 במקום מלך הן עומדים ויש להן
 לרדות את ישראל בכל מקום ולדון
 : עליהן בין רצו לא רצו *Capita sive*
principes captivorum qui sunt Babylone
vice Regis sunt constituti , licetque ipsis
imperare Israël omni in loco , seu pla-
ceat ipsis , seu non placeat. Ratio est ,
 quia erat במקום מלך vices Re-
 gis gerebat. Idem tamen animad-
 vertas in Iudæorum Rege, quod in
 illo Lacedæmoniorum , hic κλειναι
 & αὐρα , inquit Aristoteles , εἰ μὴ
 ἐν τῷ , morte plectendi non habet pote-
 statem, nisi in aliquo casu. Iudæorum
 verò Rex jus habebat tantum ani-
 madvertendi gladio. Maimonides
 Tractatu Sanhedrin, cap. xiv. ubi
 docet quatuor fuisse poenarum ge-
 nera ab antiquo Iudæis usurpata ,
 vivicomburium , strangulationem ,
 lapidationem , decollationem , ad-
 dit :

אין רשות למלך להרוג באחת : *Non con-*
ceditur Regi vel unum ex iis morte ple-
ctere, nisi gladio tantum. E quibus
 liquet in capitalibus causis omni-
 bus Regem iudicium non reddi-
 disse, sed in iis tantum, quarum
 pœna erat è Moyſis Lege decolla-
 tio : Pœnas enim non licebat mu-
 tare. Postulari quoque potuisse
 Reges Davidis posteros Synedrîi
 iudicio, & adversus illos testimo-
 nium dici, docuit paullo ante
 Maimonides Tractatu מלכים *de*
Regibus. quod etiam refert Tracta-
 tu Sanhedrin, cap. II. מלכי בית דוד.
 אע"פ שאין מושיבין אותם בסנהדרין
 דנין הם את העם ודנין אותם
 : *Reges familie*
David etiamsi non constituent eos in
Sanhedrin, judicant tamen ipsi popu-
lum; & judicant eos Reges cum est
judicium contra ipsos. Erat enim pe-
 nes

nes Synedrium potestas maxima.
unde de jure Regis scribit Iosephus , *πρασέτω ἢ μηδὲν δῖχα τῷ δέ-
χειρέως καὶ τῶν γερασιασῶν γνώμης* ,
*nihilque prater Pontificis ac Senatus sen-
tentiam faciat.* Vnde bella non ge-
rebant , nisi è sententia Synedrii :
excipiunt bella מצוה quæ vocant :
מלחמת מצוה זו מלחמת שבעה
עממים ומלחמת עמלק ועודת ישראל
: *hoc est , bella*
qua gerebantur adversus illos septem
*Cananitidis terræ populos & Amaleci-
tas , & illos qui in Israëlitas irruptionem*
fecerant , adversus hos quippe non
expectabatur Senatus auctoritas,
sed Rex suis auspiciis copias edu-
cebat ; in aliis vero bellis , quæ
רשות dicebantur, Senatum aucto-
rem habebat. Maimonides Tracta-
tu de Regibus & bellis : מלחמת
מצוה אינו צריך ליטול לבה רשות
בית

בית דין אלא יוצא מעצמו בכל עת
 כופר העם לצאת אבל מלחמת
 רשות אינו מוציא העם בה אלא
 על פי בית דין של ע"א *Ad bel-*
lum injunctum mandato, Dei scilicet;
 adversus septem populos Canaan,
 non opus erat ut acciperet ad hoc facul-
 tatem domus judicii: sed exhibat propriis
 auspiciis omni tempore, cogebatque po-
 pulum ut egrederetur: Verum in bello
 ex facultate, in eo non educebat popu-
 lum, nisi ex verbo domus judicii septua-
 ginta scilicet virorum. Quod ad He-
 rodem attinet, cujus exemplo niti-
 tur Baronius, optimè observat Ca-
 faubonus admodum juveni & pri-
 vato, pater enim illius Antipater
 tunc erat in vivis, dictam esse diem.
 constat è Iosepho Lib. xiv. cap.
 xvii. è quo etiam liquet Regem
 jus dixisse unà cum Senatus con-
 fessu: vide Sameæ orationem,
 unius è Senatoribus, quam habet
 ad Senatum & Regem, cujus ini-
 tium

tium est, *ἄνδρες συνέδριοι ἢ βασιλεῖς*.
Quod non pugnat cum iis quæ paullo ante è Maimonide descripsimus, Regem inter Senatores non sedere: nam Maimonidis hæc mens est, Regem judicia reddidisse, non eo quod inter Senatores esset allectus, Senator enim non erat, neque de omnibus causis cognoscebat, sed quia Rex erat: jus tamen dicebat in iis quæ suæ erant cognitionis, non solus, sed una cum Senatoribus, ut ex Iosephi hac historia constat. Atque hæc, jus dici solitum Regi, si quid deliquisset, à nobis dicta sunt è Iudæorum sententia, non ex vero: Iudæi enim istam *πολιτείαν* animo tantum conceperunt, nulli Principes eo jure regnarunt: vide quæ in sacris Bibliis habentur, quæ apud Iosephum vernaculum rerum Iudaicarum scriptorem leguntur, dabo pignus in omnes meas fortunas, si vel verbo jus
istud

istud asseratur, sed contrarium plane illis quæsitum est Deo auctore in Saulis inauguratione apud Samuelem, & constat ex historia Legibus solutum fuisse Principem, ἢ γὰρ ἁμαρτήσαντα ὃ καλᾷζει, *quavis deliquisset pœna non fuisse obnoxium*: ut illud Æschyli de Jove, Πρίncιπιν verè accommodes, τετραχὺς μὲν ἀρχῇ ὃ δ' ὑπὸ δέσποινι κεχρῆται, *Durus Monarcha & nemini subditus imperat*. Non igitur in jus vocabatur, nec item armis oppugnabatur, utcumque à Judaïcis institutis descivisset, & in pios persecutionem fecisset: in eo namque iudicium Dei suspiciebant, qui præfecisset, id in eo sciebant esse, quod Deus voluisset: itaque nunquam in Regem suum religionis obtentu arma movisse in sacra legitur historia.

C A P V T III.

Ad Christianos ventum: vim vi non propulsaſſe. in ſcriptis Novi Fæderis epitheto Dei pacis Deum inſigniri. Edicta in gratiam Chriſtianorum propoſita ordine recenſita, ex iisſque primum & ſecundum hoc capite.

SED Judæos mittamus, quorum non erat tam perfecta bonitas, quam fuit Chriſtianorum: ἐπρέθη γὰρ τοῖς Ἰουδαίοις, ἀγαπήσεις τὸ πλῆθὺν σου, καὶ μισήσεις τὸ ἐχθρὸν σου. Dictum enim eſt Iudæis, Diliges proximum tuum, & odio habebis inimicum. Chriſtianis verò ne verbo quidem laceſſere ſine iudicii periculo licet; & habere benevolentiam cum adverſariis, maledicentibus benedicere, perſecutoribus bona precari præcipitur: Adde quod, utut bene animati eſſent Judæi in ſuos Principes etiam τὰς ὡς βαſίλεις, nec rebella- rent; armis tamen & in Canani- tidis

Matth.
v. 43.

tidis terræ possessionem missi sunt, & salutem suam adversus hostes externos irruptionem facientes expediverunt, Deo auctore, qui passim in sacris Veteris Testamenti libris appellatur Deus vel Dominus *σαβαωθ*, *exercituum*. Christiani contrà, ferocientibus hostibus & insurgentibus nominis odio & reatu, gravissimas ponunt, revelari auspicati, spiculatoriam morosissimam pedibus absolvunt terræ sanctæ insistere incipientes, gladium nec Dominicæ defensionis necessarium reddunt, & rursati sanguinis sui spe, calceati de Evangelii paratura, succincti acutius verbo Dei, toti de Apostolo armati, & de martyrii candida coronati, donativum Christi in vinculis & inter cruciatus expectant, & pacem præstant, ita jubente Domino, qui in Novo Fœdere perpetuo audit epitheto, *Deus pacis*, nunquam, *Deus Sabaoth*: nisi forte duo-

bus in locis, uno Rom. IX. 29. sed verbis Esaïæ, & in Judæorum rebus; altero Jacobi v. 4. sed cum allusione ad Moyfis Legem.

Verum objicies, merito à Christianis ad arma ventum non esse, quia Christianis nulla cautum erat Lege, qua illis liceret esse in orbe Romano pacatis. Ego vero istuc ibam, & plane contrarium assevero: Nam, quamvis passim ab infana plebe in Christianos sit facta persecutio, Deus tamen, qui novit optimè, quid valeant suorum humeri, quid ferre recusent, lætis tristitia mutavit nonnunquam, ad-versaque temperavit secundis: itaque rescriptis & sanctionibus Principalibus Christianorum vitæ, innocentiae, atque religioni cautum est: Quæ rescripta, sanctiones, edicta, ordine referemus, *Ἰεὺ δὲ δόνη*, idque à censu hujus disciplinæ,

plinæ, qui à Tiberio est, ad Constantini Magni usque tempora.

Ac primum quidem, quando Christianum nomen in seculum introivit, Tiberius Imperator, qui Christo honorem haberi vellet, Christianis habuit, & edixit, ne quis Christianos religionis ergo & nominis deferret, periculum comminatus, si quis fecisset secus. Tertullianus Apologetico : *Tiberius, cujus tempore nomen Christianum in seculum introivit, annuntiatum sibi ex Syria Palestina, quæ veritatem illius divinitatis revelarat, detulit ad Senatum cum prærogativa suffragii sui. Senatus, quia non ipse probaverat, respuit. Caesar in sententia mansit; comminatus periculum accusatoribus Christianorum.* Eadem è Tertulliano refert Eusebius Historiæ Ecclesiasticæ Lib. II. cap. II. ut & in Chronico Canone ad annum Tiberii XXII. Q. Plautio Q. F. Læliano & Sex. Papinio Q. F. Gallieno Coss.

Πιλᾶτος Τιβερίῳ τὰ κτ' τ' σωτῆρα ἀνα-
 γαγόντες, καὶ τῶν Χριστιανῶν δόγμα-
 τες, Τιβερίῳ πρὸς τὴν σύγκλητον
 κοινολογήσατο πρὸς τὸ εἰς Χριστὸν πίστε-
 ως, τὸ μὴ πεθομένης, ὃ αὐτὸς θάνατον
 ἐψηφίσατο κτ' τῶν διωκτῶν τῶν Χρι-
 στιανῶν, ὡς Τερτυλλιανὸς ἱστορεῖ ἐν τῇ ὑπὲρ
 Χριστιανῶν ἀπολογία. *Pilato de Serva-*
tore & de Christianorum dogmate ad
Tiberium referente, Tiberius retulit ad
Senatum, ut inter cetera sacra Christia-
na fides reciperetur. Sed cum non per-
suasisset, Tiberius accusatoribus Chri-
stianorum per edictum mortem commi-
natus est, ut Tertullianus narrat in Apo-
logetico pro Christianis. Sed fusius
paullo historiam hanc exsequitur
B. Hieronymus, & Eusebii verba
liberè vertit: Pilato de Christianorum
dogmate ad Tiberium referente, Tibe-
rius retulit ad Senatum, ut inter cætera
sacra reciperetur. Verum cum ex con-
sulto Patrum Christianos eliminari Vr-
be placuisset, Tiberius per Edictum accu-
satoribus Christianorum comminatus est
mor-

mortem. Sed nobis non potest probari, quod hanc historiam conferunt Euseb. & Hieron. in annum Tiberii xxii. Ratio est, quia Eusebius ipse non multo post resurrectionem Christi à mortuis, Pilatum de illo ad Tiberium retulisse scribit Historiæ Lib. ii. cap. ii. καὶ δὴ τὸ ὡδραδό-
 ξα τῆ σωτῆρς ἡμῶν ἀναστρέσεως τε καὶ
 εἰς ἔρανδς ἀναλήψεως τοῖς πλείστοις ἤδη
 περὶ βροτῶν κατενώσεως, παλαιᾷ κεκρα-
 τηκότῃ ἔθες τοῖς τῶν ἐθνῶν ἄρχαι τοῖς
 ὡδρὰ σφίσι καινολομέμενα, τῷ τῶν
 βασιλείων δὲ χλὴν ἰπικρατῆν τι σημαί-
 νειν, ὡς ἂν μηδὲν αὐτὸν διαδιδράσκοι
 τῶν γινόμενων, πὰρ περὶ τὸ ἐκ νεκρῶν
 ἀναστρέσεως τῆ σωτῆρς ἡμῶν Ἰησοῦ, εἰς
 πάντας ἤδη καθ' ὅλης Παλαιστίνης βε-
 βρημένον, Πίλατον Τιβερίῳ βασιλεῖ
 κρινῶν. ὡς πᾶς τε ἄλλας αὐτῷ πυθόμε-
 νον περὶ αἰτίας, καὶ ὡς ὅτι μὲν θάνατον ἀνα-
 στρές ἐκ νεκρῶν, ἤδη θεὸς εἶναι ὡδρὰ τοῖς
 πολλοῖς ἐπεπίστευτο. Cum jam incredi-
 bilis & admiranda Servatoris nostri re-
 surrectio, atque etiam ascensio in caelos,

quamplurimis per vulgata percrebresceret; cumque vetus apud Gentium Magistratus & Praefectos inveterasset consuetudo, ut si qua nova & inaudita apud illos forte obtingerent, ei qui regium in eos imperium obtinebat, significarent, quò nihil eorum quae gerebantur illum subterfugeret; Pilatus de resurrectione Servatoris nostri Iesu à mortuis, quae per omnium ora jam in universa passim Palaestina hominum sermone ac fama pervasisset, utpote qui cum alia ejus miracula auditione accepisset, tum etiam quo pacto post mortem denuo à mortuis suscitatus, jam Deus à multis pro certo crederetur. Neque verisimile est, tam diu à Christi resurrectione procrastinasse Pilatum de Christo ad Tiberium referre, ab anno videlicet Tiberii XIX, quo in crucem actus est Christus, ad annum ejusdem XXII. Itaque si quis conjecturae locus sit, non dubitem ista adscribere anno Tiberii XX. & ita biennii unius metachronismo peccare Eusebium.

sebiūm. Erit igitur annus Tiberii xx. meritò insignis titulo & epocha concessæ Christianis, ex Tiberii edicto, metu omni procul, (ut quorum accusatoribus mortem comminaretur) libertatis fidem Christi profiteri.

Sed non diu admodum Christianis licuit hoc jure gaudere. Nam post illa in Christianos confidentes & perseverantes capitalis pœna fuit Lege constituta: Habes apud Euseb. Histor. Lib. v. ubi de Apollonio Martyre agit: Ο' δέ γε θεοφιλέστατος μαρτυρ, πολλὰ λιπαρῶς ἐκέλευσεν ἡ δικαστῆρ, καὶ λόγον αὐτὸν ὑπὲρ τῆ συγκλήτης βουλῆς αἰτήσας, λογισάμενος ὑπὲρ ἧς ἐμαρτύρη πίστεως ὑπὲρ πάντων τῶν θανάτων ἀπολογία, κεφαλικῇ κελεύσας ὡς ἀπὸ δόγματος συγκλήτης τελείται. μὴ δ' ἄλλως ἀφείδως τὰς ἀπαξ εἰς δικαστήριον παρόντας, καὶ μηδαμῶς τὴν προθέσεως μεταβαλλομένης, δεχαίς παρ' αὐτοῖς νόμους κεκρατηκέναι. *Iste autem Deo carissimus Martyr, cum Iu-*

dex obnixè ab illo petiisset flagitassetque ut fidei suæ rationem coram Senatu redderet, simul atque accuratissimam orationem apologeticam pro fidei quam profitebatur defensione coram omnibus recitasset, sententia Senatus securi percussus decessit è vita. Quippe vetus lex apud illos exstabat, Christianos qui semel in judicio comparuerant, nisi professionis suæ sententiam mutarent, non omnino liberos dimittendos esse. Fuit Lex ista sancita ante Trajani tempora; nam illam Trajanus ex parte frustratus est; ut loquitur Tertullianus: & procul dubio à Nerone est, qui primus in Christianos ferocivit. Tertullianus Apologetico. Consulite Commentarios vestros: illic reperietis primum Neronem in hanc sectam cum maxime Romæ orientem Casariano gladio ferocisse. Sed tali dedicatore damnationis nostræ etiam gloriāmur. Qui enim scit illum, intelligere potest non nisi grande aliquod bonum à Nerone damnatum.

Secun-

Secundum hanc Legem suam persecutionem in Christianos fecit Nero, cujus tempus per quinquennii metachronismum, ut jamdiu Vir Illustris in Eusebianis observavit, assignat Eusebius in Chronicis anno XIV Neronis, cum verus annus sit nonus Neronis, qui Coss. habuit Memmium Regulum, & Virginium Rufum, ut constat è Tacito, qui supplicium Christianorum subjicit statim post incendium Urbis Neronianum. Ergo hoc anno Neronis nono in Christianos scripta est hæc Lex, de qua agimus, & ex ea Lege in illos sævitum, non tantum à Nerone, sed etiam ab aliis omnibus, qui postea persecutiones in Christianos excitarunt: ut contra temperata est ab æquis illis Principibus, qui Christianorum vitæ & innocentiae ire consultum voluerunt.

Nerone non minus Ecclesiam afflixit Domitianus, *quem calvum dixit*

dixit sua Roma Neronem. Tertullianus : Tentaverat & Domitianus portio Neronis de crudelitate. Narrat Eusebius Historiæ Lib. III. & annus adscribitur in Chronicis XIV Domitiani. Sed videtur animum mutasse Domitianus, & iram posuisse : Referunt enim illum restituisse exules, & Edicto in posterum Christianis cavisse, ne malè multarentur. Tertullianus : Sed qua & homo, facile captum repressit, restitutis etiam quos relegaverat. Et ex eo Eusebius Lib. III. cap. XV, qui addit ex Hegesippo, sedatum fuisse, cùm à cognatis Domini accepisset, ὡς ἡ τῆς Χριστοῦ βασιλεία & κοσμικὴ μὲν ἐστὶν ὁπίσθῃ, ἐπαράνῃ δὲ καὶ ἀγγελικὴ τυγχάνει : regnum Christi non esse mundanum & terrestre, sed cæleste & angelicum. Itaque κατὰ πάσας διὰ τοῦ Θεοῦ ἀγάμας τὴν ἐκκλησίαν διωγμὸν, destituisse à persecutione ; quam ex decreto contra Ecclesiam instituerat. Sed mirum hoc videtur in crude-
lissimo

lissimo Principe & subnerone. Quare nullus dubito hoc secundum in Christianorum gratiam Edictum adscribere Nervæ, qui, cum iniret imperium, ex SC. exules restituit, & vetuit quemquam, tantum quod Christianus, deferri, ut refert ibidem Eusebius, in eo laudans, Τὰς γεγραφῆναι καὶ τὰς χερόνους ἀφαιρόντας, eos qui literarum monumentis historiam temporum consignaverunt. Et habes apud Dionem Lib.

LXVIII. Καὶ ὁ Νερῶας τὰς τε κληνομήδους ἐπὶ ἀσεβείᾳ ἀφῆκε, καὶ τὰς φθιγόντας κατήγαγε, ἕτ' ἀσεβείας, ἕτ' Ἰουδαϊκῆς βίης καὶ ἀπειθαδικίας πινὰς συνεχώρησε.

Et Nerva eos qui impietatis crimine damnati erant liberos dimisit, & fugientes reduxit, & neminem aut propter impietatem aut propter Iudaicos ritus accusari permisit. Est igitur Edictum à Nerva in Christianorum, quos per Iudæos intelligi apud Dionem forte certum non est; sed designari impietatis reatu indubium est, gratiam

30 D I A T R I B A.
tiam propositum , anno imperii
ejus primo.

C A P V T I V .

Errores Baronii deteguntur in assignando anno Rescripti D. Trajani ad C. Plinium. Plinius non Proconsul , sed Consulari potestate , primusque in eam Provinciam Propatore missus. verus annus assignatur. Edictum III. & IV. proponuntur.

Tertium Edictum Trajani est , qui Plinio rescripsit Christianos inquirendos non esse , oblatos vero puniri oportere : Rescriptum etiam hodie legitur inter Amœbæas Plinii Epistolas Lib. x. quod hic adscribemus.

T R A I A N V S P L I N I O S .

Actum quem debuisti , mi Secunde , in excutiendis causis eorum , qui Christiani ad te delati fuerant , secutus es. Neque enim in univversum aliquid , quod quasi

quasi certam formam habeat, constitui potest. Conquirendi non sunt: si deferantur, & arguantur, puniendi sunt: ita tamen ut qui negaverit se Christianum esse, idque reipsa manifestum fecerit, id est, supplicando Diis nostris, quamvis suspectus in præteritum fuerit, veniam ex pœnitentia impetret. Sine auctore vero propositi libelli, nullo crimine locum habere debent; nam & pessimi exempli, nec nostri seculi est.

Meminit Eusebius Historiæ Lib. III. cap. XXVII. hujus Rescripti, quod exagitat Tertullianus Apologetico. Datum hoc ad Plinium Rescriptum refert Eusebius in Chronicis anno Trajani decimo. Plinius Secundus, cum quandam Provinciam regeret, & in Magistratu suo plurimos Christianorum interfecisset, multitudine eorum perterritus, quæsit de Trajano quid facti opus esset, nuncians ei, præter obstinationem non sacrificandi, & antelucanos cætus ad canendum cuidam Christo ut Deo, nihil

nihil apud eos reperiri. prater ea ad confæderandam disciplinam vetari ab his homicidia, furta, adulteria, latrocinia, & his similia. Ad quæ commotus Trajanus rescripsit, hoc genus quidem inquirendos non esse, oblatos vero puniri oportere. Illustriss. Cardinalis Baronius Annalium Ecclesiasticorum Tomo II. ad annum Christi c iv. tempus Rescripti confert, ut Vir CL. Calvisius quoque, in annum Trajani quintum, qui Coss. habuit C. Sositum Senecionem III. & L. Licinium Suram II. Verba Baronii τὸ πολυμαθεστάτῃ sunt: Anno sequenti, qui numeratur Domini centesimus quartus, Sura II. & Serviano Coss. C. Plinius Secundus, post functionem superioris anni Consulatus, more majorum Provinciam administrandam suscepit Bithyniam. Additque eodem isto anno, quo Bithyniam est ingressus, de Christianis ad Trajanum scripsisse, eique Trajanum rescripsisse, quæ hic descripsimus,

Verum

Verum tria à nobis , pro instituti
 nostri ratione , excutienda peccat
 Baronius. primum est , quod facit
 Plinium sortiri Provinciam anno à
 gesto Consulatu ; alterum , quod
 Proconsulem facit Bithyniæ ; ter-
 tium denique est , quod primo suæ
 administrationis & ingressus in
 Provinciam anno ista contigisse
 narrat : De quibus jam sigillatim
 atque ordine à nobis , cum bono
 Deo , agendum est. Ex instituto
 D. Augusti , qui Magistratus ges-
 serant , Provincias Populi Roma-
 ni non sortiebantur ante quintum
 à gesto Magistratu annum. Dio
 Lib. LIII. Κοινῇ ᾧ δὴ πᾶσιν αὐλοῖς
 ἀπηγόρευσε , μηδένα πρὸ πέντε ἐτῶν μὲν
 τὸ ἐν τῇ πόλει ἄρξαι κληρῶντος. *Com-*
munitè omnibus interdixit, ne quis an-
te quinquennium à Magistratu in Vrbe
gesto elapsus, munus aliquod sortiretur.
 Quare Plinius Secundus non po-
 tuit Provinciam Proconsul anno à
 gesto Consulatu sortiri : expectan-
 dum

dum enim erat quinquennium. Sed neque Bithyniam Proconsul rexit Plinius, neque Bithynia Provincia fuit Populi Romani, sed Cæsaris. Provinciam Cæsaris fuisse, tunc saltem, Bithyniam constat ex his Trajani verbis Epistolâ Amœbæarum x. *Quo autem die pervenisses in Bithyniam, cognovi, Secunde charissime, literis tuis. Provinciales (credo) prospectum sibi à me intelligent: Nam & tu dabis operam ut manifestum sit illis electum te esse, qui ad eosdem mei loco mittereris.* E quibus verbis liquet in Provinciam Cæsaris, non Populi Romani, missum fuisse Plinium, eumque non sortitum fuisse Provinciam, sed à Cæsare electum; unde etiam sequitur, non fuisse Proconsulem, sed Cæsaris Legatum, sive Proprætore; nam ita appellatos fuisse Cæsaris Legatos, qui in ejus Provincias mittebantur, è Dione loco laudato constat. Fuit igitur Plinius Proprætore,

tore, sed Consulari potestate, ut testatur vetus hæc Inscriptio, quam ex Appiano & Onufrii Fastis habet Gruterus pag. CCCCLIV.

C. PLINIUS. C. F. C. N. CAECILIUS. SECVNDVS
COS. AVGV. LEGAT. PRO. PRAET. PROVINC
PONTI. CONSVLARI. POTESATE. IN. EAM
PROVINCIAM. AB. IMP. CAESARE. NERVA
TRAIANO. AV G. GERMANICO. MISSVS

Vides Plinium Bithyniam administrasse Proprætore, non Proconsule. Quanquam fuit olim Bithynia inter Romani Populi Provincias, ut constat è Dionis recensione Lib. laudato. καὶ ἐνομιόθη ἡ Βιθυνία τῷ τε δήμῳ καὶ τῇ γερουσίᾳ εἶναι.
Et lege sancitum est ut Bithynia populi & Senatus esset. Sed mutavit, factaque est Cæsaris Provincia, idque, si quid judico, hoc ipso tempore, primusque Plinius Cæsaris Legatus Proprætore in Provinciam Bithyniam missus est. nam meminit passim Plinius Proconsulum, qui ante se Provinciam administras-

fent, Iulii Bassi, Velii Pauli, Publii Servilii Calvi; se verò Proconsulem fuisse negat Epistolâ Amœbæâ LVIII. *Postulantibus quibusdam ut de agnoscendis liberis, restituendisque natalibus, & secundum epistolam Domitiani scriptam Minutio Rufo, & secundum exempla Proconsulum ipse cognoscerem: respexi ad Senatusconsultum pertinens ad eadem genera causarum, quod de his tantum Provinciis loquitur, quibus Proconsules præsunt, ideoque rem integram distuli, dum tu, Domine, præceperis quid observare me velis.* Fuit igitur Plinius non Proconsul, sed Proprætor, & Legatus Cæsaris in administranda Provincia Bithynia. Tertium illud, quod peccasse Baronium diximus, ex iis, quæ jam sequentur, patebit. Putat Illustris Scaliger ad numerum Eusebium cLo cLo cxxiv. Eusebium ista potius ex conjectura, quam ex historiæ fide, in annum Trajani decimum contulisse: quod an verum sit,

sit,

fit, exploratum habere nos non posse existimat, quia quo tempore, aut quoto anno Urbis Plinius in Provinciam missus sit nobis non constat. Sed quid verat, cum bono Deo, inquirere paullo exactius? Plinius Secundus post gestum anno Urbis **I C C C C L I I I**, qui erat annus tertius vertens imperii Trajani, Consulatum, à Trajano in Bithyniam, quæ erat Cæsaris Provincia, Proprætore missus est, sed Consulari potestate, ut jam diximus. In eam Provinciam venit Plinius xv. Kal. Octob. Liquet ex Amœbæis epistolis Plinii ipsius ad Trajanum, quæ collectæ sunt eo temporis, quo scriptæ sunt, servato ordine, ut ex illarum lectione constat: quod observandum duximus, quia facit maximè ad investigandum illud tempus, quo de Christianis ad Plinium rescripsit Trajanus. Cæteras epistolas suas, etiam illas, quæ ad Trajanum

scriptæ sunt Lib. decimo, sed non Amœbææ, collegit quidem observato nullo temporis ordine; at Amœbæas vel ipse, vel alius quisquis est, collegit servato temporis ordine, ut ipsarum lectio αὐτοβιοῦ. Scribit igitur Plinius de suo in Bithyniam ingressu, Amœbæarum epistolâ ix. *Decimo quinto Kal. Octobres Bithyniam intravi. & paullo post: Hæc tibi, Domine, in ipso ingressu meo scripsi. Quintodecimo Kalend. Octob. Domine, Provinciam intravi. Anno novô sequente, IIII. Nonas Ianuarias, qui Votorum erat dies, in Votorum nuncupatione Provincialibus & militibus præivit Plinius, Epistolâ xxv. Solemnia vota pro incolumitate tua, quâ publica Salus continetur, & suscipimus, Domine, pariter & solvimus. Celebravit ibidem diem vi. Kal. Februarias, à quo exsurgit initium imperii Trajani, Epistolâ xli. Diem, Domine, quo servasti Imperium, dum suscipis, quanta mereris*

reris letitia, celebravimus. Hujus anni est Epistola Plinii, LXXVII inter Amœbæas, in qua ad Trajanum refert de Christianorum cognitione, itemque Trajani Rescriptum ad Plinium. Sequitur alter annus novus, quo, die III. Non. Ianuar. Vota nuncupat, Epistolâ LXXXII. *Vota, Domine, priorum annorum nuncupata alacres letique persolvimus, novaque rursus, curante com-militonum & Provincialium pietate suscepimus.* Celebratque rursus hoc anno in Provincia diem VI. Kal. Febr. Epistolâ LXXXIV. *Diem in quem tutela generis humani felicissima translata est successione, debita religione celebravimus.* Ex istis non video, cur non possit assignari annus Urbis, quo est in Provinciam missus Plinius, ex coque deprehendi annus quoque, quo de Christianis ad Plinium rescripsit Trajanus, in coque Eusebii metachronismus unius anni, & Baronii aliorumque pro-

chronismus quadriennii. Verba ista Plinii ex Epistolâ Amœbæa LXXXII. *Vota, Domine, priorum annorum nuncupata alacres lætique persolvimus, novaque rursus, curante com-militonum & Provincialium pietate, suscepimus*; non possunt omnino intelligi, nisi de Decennialibus Votis actis, & secundis Decennialibus susceptis: itaque appellat Plinius Decennialia illa Vota acta, *Vota priorum annorum nuncupata*: Decennialia illa Vota acta sunt decimo, unde illis nomen, anno Trajani, qui Coss. habuit ordinarios C. Sesium Senecionem IV., & L. Licinium Suram III. Eratque annus Urbis ICCCCLX. Annus qui proximè præcessit, est nonus imperii Trajani, Urbis vero ICCCCLIX; qui habuit L. Ceionium L. F. Commodum Verum, & L. Tutium Cerealem Coss. Eo anno nono Trajani Plinius retulit ad Trajanum de Christianorum cognitione, ut con-

constat ex illa Epistola, de qua & ejus ordine jam à nobis est dictum. In Bithyniam vero ingressus fuerat xv. Kal. Octobr. anni præcedentis, qui erat annus Urbis MCCCLVIII, imperii vero Trajani octavus, habebatque Coss. ordinarios T. Iulium Candidum II. & A. Iulium Quadratum. Anno igitur imperii sui nono ad Plinium de Christianis rescripsit Trajanus, non qui à Christianis pœnam dimoveret, sed ex parte Legem Neronis, de qua jam à nobis dictum est, frustraretur; non vult enim Christianos inquiri, ut innocentes, & tamen oblatos mandat ex illa Neronis Lege puniri, quasi nocentes, nec vetat offerri.

Quartum Edictum est Adriani Imperatoris, qui tam bene erga Christianos affectus fuit, ut non tantum vetuerit inquiri Christianos, sed etiam oblatos, nullius criminis reos, tantum quod Christia-

ni, puniri noluerit. Constat ex Epistola illius, quam descripsit Iustinus Martyr Apologiâ 11. extremâ, & ex eo Eusebius Historiæ Lib. 1 v. ἔτι δὲ ὁ αὐτὸς ἰσορεῖ δεξάμενος τὸ Ἀδριανὸν πρὸς Σερεννίον Γρανιανὸν λαμβανούσαν ἡγεμονίαν γράμματα ὑπὲρ Χριστιανῶν, περιέχοντα ὡς ἔδίκαιον εἶη ὅτι μηδενὶ ἐγκλήματι, βραῦς δὴ μὲν χαρίζομενος ἀκρίτως κλείνειν αὐτοὺς, ἀντιγράψαι Μινυκίῳ Φενδάνῳ ἀνθυπάτῳ τῆς Ἀσίας, περὶ αὐτῶν μηδένα κλείνειν ἀνδρὶ ἐγκλήματι καὶ δὲ λόγῳ κατηγορίας. Est præterea apud eundem authorem, *Adrianum à Serennio Graniano præfecto illustrissimo, literas pro Christianis accepisse, quæ istam complectebantur sententiam: Sibi iniquum videri Christianos, nullo objecto crimine, indictaque causa, quò populi clamoribus satisfiat, neci dare, atque Adrianum deinde Minucio Fundano Asiæ Proconsuli rescripsisse; præcepisseque ut neminem Christianum absque justo crimine intentato, & accusatione rectè verèque*

ad






ad ipsum delata , morte mulctaret.
 Verba Epistolæ , quæ ad rem faci-
 ciant , hæc sunt : εἰ τις κατηγορεῖ καὶ
 δείκνυσιν ὡς γὰρ τὰς νόμους παράπροντας
 τὰς Χριστιανὰς , ἔτι καὶ ἔτι τὴν
 δυνάμιν τῆς ἀμαρτηρίας , ὡς καὶ τὸ
 Ἡρακλέα εἰς συκοφαντίας χάριν τῶ-
 το περιείνοι, ἀλαλόμενε ὑπὲρ τῆς δει-
 νότητος , καὶ φροντίζε ὅπως ἀν' ἐκδική-
 σης. Si à quoquam Christiani homines
 in iudicium vocentur, ostendaturq, ali-
 quid contra leges designasse, tu ita prout
 criminis ratio & modus postulat deci-
 das statuasque. At mehercule si quis-
 piam quò eos calumniatur istud tentave-
 rit , tu ejusmodi hominem pro nequitia
 & crudelitate severe coarguito , atque
 adeò sedulo prospicito ut debitas pœnas
 luat. Refert hoc Adriani Rescrip-
 tum ad Minucium Fundanum
 Asiæ Proconsulem Eusebius in an-
 num decimum Adriani , his ver-
 bis , vertente Hieronymo. Qua-
 dratus discipulus Apostolorum , & Ari-
 stides Atheniensis noster Philosophus li-
 bros

*broſ pro Chriſtiana religione Adriano dedere compoſitos , & Serenus Gran-
nius Legatus vir apprime nobilis lite-
ras ad Imperatorem miſit , iniquum eſ-
ſe dicens clamoribus vulgi innocentium
hominum ſanguinem concedi , & ſine
ullo crimine , nominis tantum & ſectæ
reos fieri. Quibus commotus Adrianus
Minucio Fundano Proconſuli Aſiæ ſcri-
bit , non ſine objectu criminum Chriſtia-
nos condemnandos , cujus Episto-
le uſque ad noſtram memoriam durat exem-
plum. Quin etiam Adrianum cogi-
taſſe in omnibus civitatibus Tem-
pla Chriſto facere, refert Lampri-
dius in Alexandro Severo , hoc
uno tantum argumento, quod ſine
ſimulacris jufferat fieri : ſed fides
ſit penes auctorem.*

C A P V T V.

Quintum & sextum Edictum recensentur. Seruitum à Divis Fratribus in Christianos. Athenagora locus correctus. à Marco propositum Edictum, & quando.

QVum Antonini Pii temporibus, in Asia movisset terra, & Christianos ad pœnas deposceret pro more imperitum vulgus, illorum insaniam Edicto castigavit Pius, idemque juris Christianis indulgit, quod paullo ante concesserat is, quem in imperio excepit, Adrianus, ut testatur Melito Sardenfis in Apologia, affertque exemplum Epistolæ illius, ab eoque habet Eusebius Hist. Lib. IV. Αὐτοκράτωρ Καὶ Καρ Μάρκος Αὐρήλιος Αἰώνιον Σεβαστὸς, Ἀρχιεπίσκοπος, Ἀρχιερέως μέγιστος, δημοarchικῆς ἐξουσίας τὸ πέμπτον καὶ δέκατον, ὑπαίτιον τὸ τρίτον, τῷ κρινῶντι Ἀσίαν χαίρειν. Ὡς ἐρ

τῶν Χριστιανῶν , ἤδη καὶ πολλοὶ τῶν πρὸς
 ταῖς ἐπαρχίαις ἡγεμόνων καὶ τῷ Ἡρωτάτῳ
 ἡμῶν ἔγραψαν παῖδες, οἷς καὶ ἀντέγρα-
 ψε μηδὲν ἐνοχλεῖν τοῖς τοιχτοῖς , εἰ μὴ
 φαίνονται πρὸς τὴν Ῥωμαίων ἡγεμο-
 νίαν ἐγχειρῆτες. καὶ ἐμοὶ δὲ πρὸς τῶν
 τοιχτων πολλοὶ ἐσήμαναν , οἷς δὴ καὶ ἀν-
 τέγραψα κατὰ τοὺς νόμους τῆς τῆς πατρὸς
 γνώμης. εἰ δέ τις Ἐπιμέτοισι πινὰ τῶν τοιχ-
 των εἰς πράγματα φέρων ὡς δὴ τοιχ-
 τον , ἐκεῖν  ὁ κατὰφερόμενος  ἀπολε-
 λύσθω τῆς ἐγκλήματι  , καὶ εἰς φαί-
 νηται τοιχτ  ὢν , ὁ δὲ κατὰφέρων ἐνο-
 χ  ἔσται δίκης. *Imperator Caesar Mar-*
cus Aurelius Antoninus , Augustus, Ar-
menius , Pontifex Maximus , Tribun.
Potest. xv. Cos. III. communi concilio
Asiae S. De Christianis multi qui nostris
praeferre provinciis , jam ante diviniissi-
mo sanctissimoque nostro Patri literas
scripserunt. Ad quos quidem ille rescri-
psit , nihil ejusmodi viris negotii esse
facessendum , nisi forte aliquid maleficium
contra Romanum Imperium designare
moliantur. Ad me etiam eorum causa
scri-

scripsere multi, quibus per literas, Patris mei sententia & voluntati assentiens, responsum dedi. Quod si quispiam igitur cuiquam Christiano, quia Christianus sit, pergat molestiae quicquam aut criminis inferre; ille cui crimen illatum fuerit, etiamsi reipsa Christianus deprehensus sit, absolvatur; qui autem illum accusaverit, justum debitumque supplicium subeat. Annum, quo propositum est hoc Edictum, *ᾠρεσέθη ἐν Εἰσῶ ἐν τῷ χρίστῳ τῆς Ἀσίας*. propositum est Ephesi, in communi Asia concilio, ut loquitur ibidem Eusebius, investigare, difficilis non est operæ, quia adscribitur quotiens Tribunitiam acceperit potestatem Antoninus Pius. Accepit autem paullo autequam imperaret: unde numerus Tribunitiæ Potestatis paria facit cum numero annorum imperii illius. Proposuit igitur hoc Edictum Pius anno sui imperii quintodecimo. Quare rescribendum est, *ὑπὸ τοῦ τετραρχίου*,

περὶον , quomodo optimè editur apud Iustinum , non quod tunc quartum Consul esset , sive quartum gereret Consulatam, sed quia quater jam ante Consul fuerat. Ex eodem quoque Iustino , cùm Edictum hoc à Pio propositum sit ; si- ve potius ex Iustini codice , nam Iustinus non est qui adscripsit, constat rescribendum esse in Inscriptione : Αὐτοκράτωρ Καῖσαρ Τίτῳ Αἰλίῳ, Ἀδριανὸς Ἀντωνῖνῳ Σεβαστὸς, Εὐσεβὴς , *Imperator Caesar Titus Aelius, Adrianus Antoninus Augustus, Pius.*

Marcus Antoninus Philosophus, dum frater Lucius res Italas adversus Parthos tutabatur, Rempublicam ipse Legibus ornabat, ita tamen , ut *jus magis vetus restitueret* , inquit Capitolinus, *quam novum faceret.* Inter cæteras autem Leges nullus dubito restituisse Marcum illam Trajani de Christianis in Rescripto ad Plinium : Qua Lege videtur Trajanus Christianos eximere

mere à maleficorum hominum numero, & nolle inquiri, quia neque perfidi, neque adulteri, neque sacrilegi, neque homicidæ essent, tamen damnare illorum fidem religionemque, atque in ea perviciam, ut loquitur Plinius, sive potius perseverantiam. Ex hoc Trajani Rescripto, cùm redeunte Lucio, ut de Parthis cum fratre Marco, anno imperii illorum septimo, triumpharet, pestem secum detulisse visus esset, Christiani Magistratibus sunt oblatis, & vulgus illos ad leones: nec ulla illis alia damnationis causa præter Christianam fidem, quam Trajanus suo Rescripto & damnabat, & ibat punitum: Huc facit & pertinet Athenagoræ locus ex Apologia, quam ad Divos fratres scripsisse alibi probamus: εἰ δὲ λογοποιῖαι τιδὲ καὶ Διόβολοι κεναί, φυσικῶ λόγῳ πρὸς τὴν ἀρετὴν ἢ κακίαν ἀντικειμένης, καὶ πολλομένων ἀλλήλοις τῶν ἐναντίων θείῳ

νόμῳ, καὶ τῷ μηδὲν τῶν ἀδικεῖν, ὑμεῖς
 μάρτυρες, κελδόντες μὴ ὁμονοεῖν. Si
 verò commenta improborum hominum
 & inanes calumnie hæ sunt, (cùm ita
 natura comparatum sit ut malitia se op-
 ponat virtuti, & divina quadam lege,
 quæ inter se contraria sunt, depugnent,)
 & nihil injustè à nobis committi, vos
 ipsi testes nobis esse locupletissimi possi-
 tis, &c. Hæc postrema verba de
 mendo suspecta, idque merito, ha-
 buit vir maximus Gesnerus, ita-
 que in interpretatione sua omisit.
 Quanqaam ea mallet præcedente
 versu legere post θεῶ νόμῳ, sed κε-
 λδόντες, non κελδόντες: Locus est ex-
 imius, qui meretur à nobis, Deo be-
 ne adjuvante, exponi. Tria Chri-
 stianis vulgo objiciebantur cri-
 mina, ἀθεότης, humanis vesci car-
 nibus, & incesti concubitus. De
 duobus postèrioribus agit hoc lo-
 co, & probat, vel ipsorum Impe-
 ratorum auctoritate, Christianos
 horum criminum non esse con-
 scios:

scios: εἰ δὲ λογοποιῖαι ταῦτα, καὶ Δια-
 βολαὶ κεναὶ, (cœtera quæ sequun-
 rur parenthesi sunt includenda)
 καὶ ἔμμηδὲν τῶν ἀδικεῖν ὑμεῖς μάρτυ-
 ρες, κελθόντες μὴ ὁμονοεῖν. Postremum
 verbum miserè corruptum densis-
 simas cœteris tenebras offudit, fe-
 citque ut non intelligerentur. Sed
 rescribendum est: καὶ τῷ μμηδὲν τῶν
 ἀδικεῖν, ὑμεῖς μάρτυρες, κελθόν-
 τες μόνον μὴ νοεῖν. *Et in nullo istorum à*
nobis peccari, vos ipsi testes sitis, juben-
tes solum ne credamus. Dixit νοεῖν de
 religione & fide Christiana, ut ali-
 bi, ἐφ' ἡμῖν δὲ κεῖσθαι νόμον οἱ ἔχομεν
 ὅ, τι καὶ νοῶμεν καὶ πεπιστώκαμεν, &
 alibi fidem appellat voce synony-
 ma πεισίστησις. Sensus autem ver-
 borum Athenagoræ hic est: Falso
 Christianis objici infanticidiorum
 degustationem, incestorumque
 contenebrationem, & nos horum
 criminum plane esse innocentes,
 vos ipsi, ô Imperatores, testes lo-
 cupletissimi & omni exceptione

majores estis, qui Legibus vestris cavistis tantum non credere, & Christianum esse. Sed exempto rebus humanis Lucio, cùm Christiani egregiam in bello adversus Germanos & Sarmatas operam precibus suis Marco præstitissent, qua victoriam reportaverat Marcus & nomen sibi pepererat Germanici atque Sarmatici, memor tanti beneficii Imperator veterem illam Neronis à Trajano interpolatam Legem in Christianos, qua potuit, frustratus est: Christianos enim noluit deferri & accusari impune, sanxit itaque tetriciorem capitis pœnam in Christianorum accusatores. Tertullianus Apologetico. *Ceterum de tot exinde Principibus ad hodiernum; divinum, humanumque sapientibus edite aliquem debellatorem Christianorum. At nos contrariò edimus protectorem; si literæ Marci Aurelii gravissimi Imperatoris requirantur, quibus Germanicam illam*
sitim

situm Christianorum forte militum precipitationibus impetrato imbri discussam contestatur. Qui sicut non palam ab ejusmodi hominibus pœnam dimovit, ita alio modo palam dispersit, adjecta etiam accusatoribus damnatione, & quidem tetriore. Edictum, quo Christiani accusati & denotati apud judices, & in fide perseverantes, pœnis veteri Neronis Lege sancitis eximerentur, nullum fuit à Marco propositum, sed pœna capitalis in accusatores constituta. Eusebius Lib. v. cap. v. τῶτον, Marcum, δὲ Φησι, Tertullianus, καὶ θάνατον ἀπειλάσκει τοῖς κατηγορεῖν ἡμῶν (Χερσιανῶν) ὁπτιχειρῶσιν. Hunc etiam mortem esse comminatum iis qui nos accusare aggressi essent. Atque ita qui Christianum detulerat, accusaveratque, non impune ferebat, nec minus quam Christianus denotatus, & in fide perseverans, capite luebat, idque tetriore pœna; nam accusatori infligebatur crurifragium. Vides

in historia Apollonii Martyris
 apud Eusebium Lib. v. cap. xxi.
 imperante enim Commodο, ex
 hoc Marci Edicto accusatori Apol-
 lonii inflitum est crurifragium.
 ἀλλὰ ὁ μὲν δέλαι· ὡς δὲ καιρὸν πλὴν
 δίκην εἰσελθὼν, ὅτι μὴ ζῆν ἐξόν· ἡ
 βασιλικὸν ἔρον τῆς τῶν ποιῶν δὲ μενύ-
 τας, αὐτίκα κατὰ γυντα τὰ σκέλη, περεν-
 νίς δικασεῖ· τοιαύτῃ καὶ αὐτὸς ψῆφον
 ἀπενέγκαν·. *Ceterum huic misero*
et perditō intempestivè in iudiciū ad
Christianum accusandum ingredienti,
actutum (quoniam Imperatoris edicto
jussū erat ut Christianorum accusato-
res neci darentur (crura suffringeban-
tur, Perennio iudice contra eum talem
sententiam pronunciante. Bonus vero
 Apollonius in fide perseverans ex
 veteri illa Neronis Lege pœnas,
 quas à Christianis non dimoverat
 Marcus hoc suo Edicto, sed disper-
 serat, dedit. Sed de Edicto ipso
 multa jam satis, de Edicti proposi-
 ti tempore inquiramus, cum bono
 Deo.

Deo. Annus assignatur ab Eusebio in Chronicis tertius decimus Marci. *Imperator Antoninus multis adversum se nascentibus bellis saepe ipse intererat, saepe duces nobilissimos destinabat, in quibus semet, Pertinaci & exercitu qui cum eo in Quadorum regione pugnabat, siti oppresso pluvia divinitus missa est, cum è contrario Germanos & Sarmatas fulmina persequerentur, & plurimos eorum interficerent. Extant literæ Marci Aurelii gravissimi Imperatoris, quibus illam Germanicam sitim Christianorum forte militum precationibus impetrato imbri discussam contestatur. Ad quæ verba maximus Scaliger adnotat: Quo tempore hæc gesta sint, hocne ipso, quod assignatur ab Eusebio, an alio, ut dubitem facit Dio apud Xiphilinum, qui refert hoc bello patrato M. Aurelium Imperatorem septimum appellatum, Faustina vero Matrem castrorum. Sed difficile est ex his colligere tempus hujus gesti, cum veteres & Inscriptiones & Nummi*

*nihil nos juvent: nam in Nummis in
 tertio Consulatu VI. VII. VIII. IX.
 X, IMPERATOR vocatur. Haftenus
 Vir Illustris. Sed facile, cum Deo,
 annum deprehendemus. Constat
 è Dione eo bello Marcum Impera-
 torem septimum fuisse appella-
 tum; ὡς καὶ τῶν τετρακιστῶν τὸ ἔβδο-
 μον αὐτοκράτωρ περιηγοῦσθαι. Iam
 vero hic titulus Imperatoris septi-
 mum, non primùm illi adscribi-
 tur, quàm eo anno quo erat Tribu-
 nitiae Potestatis vicesimum octa-
 vum: id videre est in Nummis, qui
 ita habent: M. ANTONINVS.
 AVG. TR. P. XXVIII. COS.
 III. IMP. VII. Atqui si anno-
 rum numerum ineas ab eo quo
 Tribunitiam Potestatem accepit
 imperante patre Antonino Pio,
 deprehendere est annum imperii
 Marci fuisse quartum decimum,
 quando ille ipse Marcus erat Tri-
 bunitiae Potestatis XXVIII. Ergo
 est annus Marci quartusdecimus:*

& peccat Eusebius unius anni pro-
 chronismo. Sed ingruit turbo, qui
 nostræ navi frangat ratem: Nam,
 inquit Incomparabilis Heros: in
 Nummis in tertio Consulatu VI,
 VII, VIII, IX, X, Imperator voca-
 tur Marcus, addo etiam I, II.
 Sed per hanc tempestatem facile
 ero in portu. Ne nobis imponat
 auctoritate sua Vir Illustris, tantum
 cautio est. Nam non semper III.
 Cos. est tertium Consul, qui ter-
 tium gerit Consulatum: Est ali-
 quando cùm significat, qui ter
 Consul fuit, ut in his exemplis.
 Vbi enim Marcus inscribitur Cos.
 III. IMP. VI, VII, VIII, &c.
 non significatur annus, quo ter-
 tium Consulatum gessit, qui erat
 annus primus imperii illius, sed
 significatur, Marcum, qui ter Con-
 sul fuit, toties VI, VII, VIII, &c.
 Imperatorem ab exercitu saluta-
 tum fuisse.

Septimum & octavum Edictum proponuntur. Tertulliani locus emendatur. Lex III. D. de Decurionibus illustrata. quaesitum de tempore quo scripta est.

O*mnium rerum semper quasi naturali Lege mutatio est, inquit Spartianus in Severo, sed de eo non miratur Ecclesia, quæ cum sciat se peregrinam in terris agere, nec illud ignorat, inter extraneos facile inimicos inveniri: Id ea experta est, imperante Severo: Nam primum longam & bonam pacem Christianis fuisse constat è Tertulliano, utut aliquoties molestia illis religionis ergo crearetur, quemadmodum factum legimus circa initia imperii Severi collusori pueri Caracallæ. Septennis puer, inquit Spartianus de Caracalla, cum collusorem suum puerum, ob Iudaicam religionem*

gionem gravius verberatum audisset, neque patrem suum neque patrem pueri vel auctores verberum diu respexit. Iudaicam religionem appellat Spartianus proculdubio, quæ Christiana est, nam Caracallam lacte Christiano educatum fuisse docet Tertullianus ad Scapulam. Sed anno demum Severi decimo ab illo in Christianos sævitum est, ut Eusebius Lib. vi. cap. vi. & Historicorum chorus scribunt; & Iudæos fieri sub gravi pœna vetuit, idem etiam de Christianis sanxit, inquit Spartianus in ejus vita. Animum post illa in melius mutasse constat, memoremque Christianorum fuisse, & eos non tantum non læsisse, sed etiam testimonio exornasse referunt. Habes apud Tertullianum Lib. ad Scapulam, cap. iv, Ipse etiam Severus pater Antonini, Christianorum memor fuit: Nam & Proculum Christianum, qui Torpacion cognominabatur, Euhodæ procuratorem, qui eum per
oleum

oleum aliquando curaverat, requisivit, & in palatio suo habuit usque ad mortem ejus:quem & Antoninus optimè noverat, lacte Christiano educatus. Sed & clarissimas feminas & clarissimos viros Severus sciens hujus sectæ esse, non modo non lesit, verum & testimonio exornavit, & populo furenti in os palam restitit. Putant Viri CL.hunc Proculum Christianum eum esse, cujus meminit Capitolinus in Marco,& Eutyrium Græcè idem esse Afris Tobracon sive Topracon, quomodo rescribi volunt apud Tertullianum: Euhodie autem procuratorem interpretantur & Εὐδίας διοικητὴν, quod Itinerarii in orbe Romano Rationarius esset ab Imperatore Marco constitutus, ut honestam functionem sine invidia & incommodo periculoque obtineret. Quapropter etiam Capitolinus factum affirmat fuisse Proconsulem, videlicet honorarium itineris curandi causa. Sed ista ab eruditis viris nullo

lo auctore asseruntur. Non negamus Procuratores aliquando appellari Provinciarum præfides, sed Itinerarii Rationarium & Procuratorem appellari Proconsulem, nobis plane novum, & hætenus non lectum, non auditum fuerat. Appellatur igitur iste Proculus Euhodix Procurator, quia Euhodix feminae notæ satis illo sæculo res procurabat & administrabat; tantum abest, ut sit Proculus ille Marci in Grammaticis præceptor, quem in tantum gratus Imperator dilexit, ut usque ad Proconsulatum provexerit oneribus in se receptis. *Euhodia* nomen mulieris esse constat ex hac Inscriptione, quæ Romæ visitur in monte Caballo, & apud Gruterum Thesauri Inscriptionum pag. IocLxxxix legitur:

D. M.

H E R M E S

E V H O D I A E. C O N I V G I.

S V A E

BENE MERENTI.

Et

Et forte *Euhodia* ista Tertulliani erat filia Euhodi, Imperatoris Severi liberti, qui fuit *προφύλος*, ut appellat Dio, Antonini filii Severi. Libertum autem Euhodiæ Proculum hunc fuisse nullus dubito, & ab Euhodia patrona rebus suis administrandis & procurandis admotum: Qui, ut puto, dum servitutem serviebat, alipilarii munus implebat, unde ei cognomen Dropacion; ita enim nobis rescribendum videtur apud Tertullianum: Nam in veteri Lexico, *alipilarius* est *δρωπανιστής*. Lavabant enim unguento dropace. Sed ad rem. Vtrum Christianis Severus ipse Edicto caverit, nec ne, nobis liquido non constat. Sulpicius Severus Historiæ Sacræ Lib. 11. videtur asserere ab Antonino Caracalla in Christianorum gratiam, Edictum esse propositum, non à D. Severo patre illius; ubi enim recensuit Sulpicius, vexatos fuisse

fuisse Christianos, imperante Severo, addit, *Interjectis deinde annis octo & triginta, pax Christianis fuit, nisi quod medio tempore, Maximinus nonnullarum Ecclesiarum Clericos vexavit*: Ab anno primo Antonini Caracallæ ad annum primum Decii, qui eo anno in Christianos sæviit, numerat Eusebius annos quadraginta: sed si quis paullo attentius excutiat tempora initi ab Imperatoribus, qui medii inter Antoninum Caracallam & Decium fuerunt, imperii, & exutæ mortalitatis, Sulpicium rectè calculum posuisse non invitus concedet. Est ergo à Caracalla propositum Edictum anno imperii primo, quo Edicto Christianis cavebat de vita, ne illis molestia & lites crearentur ob fidem Christianam. Sed forte posset aliquis jure merito suspicari, extremis vitæ Severi diebus ab utroque Augusto Severo & Antonino gratiam propositi hujus Edicti

& Christianis fuisse factam: quem-
 admodum & ab illis cautum est
 Iudaicæ superstitionis cultoribus,
 ut habes Leg. III. §. III. D. de
*Decurionibus. ex Ulpiani Lib. III.
 de Officio Proconsulis. Eis qui Iudaicam
 superstitionem sequuntur, Divi Severus
 & Antoninus honores adipisci permise-
 runt: sed & necessitates eis imposuerunt,
 quæ superstitionem eorum non laderent.*
 Viri eruditi rescriptum volunt, Di-
 vi Verus & Antoninus: sed recla-
 mat CL. Antonius Augustinus, ut
 audio, quibus autem rationibus
 nitatur videre non contigit: nobis
 enim nondum licuit esse tam bea-
 tis, ut venerit in manus nostras Li-
 ber illius singularis ad Modesti-
 num: Nomine autem *superstitionis
 Iudaicæ* volunt intelligi religionem
 Christianam, sed malè. Si nam-
 que intelligantur Divi fratres au-
 ctiores hujus Legis, omnino falsum
 id est: Neque enim unquam Chri-
 stianis, dum in vivis fuit L. Verus,
 tam

tam benè consultum fuit, ut tutò
 esse possent, nedum præesse. Si
 verò intelligentur Marcus pater
 & Commodus filius, primum il-
 lud sine exemplo, Marcum &
 Commodum dici *Divos Verum &
 Antoninum*, idque præpostero ordi-
 ne, præposito patri filio; deinde
 verum non est, Divos illos Chri-
 stianis honores adipisci permisisse;
 hoc unum illis indulgit Marcus, ut
 superiori capite diximus, ne de-
 ferrentur & accusarentur impunè.
 Quod si quis *Iudaicam superstitionem*
 interpretetur, ut verba sonant &
 intelligi debent, non ille quoque
 assensum à nobis merebitur, qui
 scimus Marcum, vel ipso teste, nun-
 quam honorem habuisse patris sui
 exemplo superstitionibus. Et certè
 non est temerè sollicitanda anti-
 qua Legis hujus scriptura & lectio;
 Nam Iudæos dilectos plurimum
 fuisse ab Imperatoribus Severo &
 Antonino, constat ex his Hiero-

nymi ad Danielis verba è cap. xi. *Cùmque corruerint subleuabuntur auxilio parvulo. Hebraeorum quidam, inquit Hieronymus, hac de Severo & Antonino Principibus intelligunt, qui Iudeos plurimum dilexerunt.* Sed quando id factum? mulctatos à Severo fuisse Palæstinos è Spartiano liquet, quòd pro Nigro diu in armis fuerant; idem quoque testatur Severum Palæstinis pœnam remisisse, quam ob causam Nigri meruerant: idque illis indultum videtur, antequam Severus ad bellum Parthicum proficisceretur, forte anno imperii septimo: Pœna autem illis inflicta hæc fuerat, excidisse civitatis Romanæ jure: jus igitur illud iis restituit, pœnamque remisit. At quæstionis est, an Palæstinorum nomine intelligantur Iudæi, nec ne: Ac forte tutius est negare; distinguit enim hâc ipsâ vitâ Spartianus. *In itinere Palæstinis plurima jura fundavit. Iudeos fieri*

fieri sub gravi pœna vetuit : Idem etiam de Christianis sanxit. Præterea , ubi de pœna inflîcta Palæstinis agitur , Neapolitanorum Palæstinenſium tantum meminit Spartianus. Quod ad Iudæos attinet, anno Severi nono bello fuiſſe vexatos conſtat ; unde Antonino. Senatus Iudaicum triumphum decreverat : Quumque Romam rediret , anno imperii ſui decimo, Coſſ. ipſo Severo III. & Antonino Auguſto , *in itinere Iudæos & Chriſtianos fieri ſub gravi pœna vetuit.* Sed animum videtur in Iudæos mutaſſe Severus , & quantum oderat prius , tantum fortasſe poſtea dilexiſſe. Quare ſuſpicamur Iudæis Ediſto caviſſe , & quemadmodum conjunctim & in Iudæos & in Chriſtianos ſævieraſſet , ita Ediſtis caviſſe rurſum & Iudæis & Chriſtianis , ut liceret illis eſſe & fieri , Iudæis quoque honores adipiſci , ut conſtat ex hac Lege : Ediſtaque iſta , ut puto , extremis

vitæ Severi diebus, in Iudæorum & Christianorum gratiam proposita sunt à Severo & Antonino, vel certè ab Antonino primis imperii sui diebus, tanquam è parentis jussu; itaque nomen cum Severi tum Antonini prætulerunt.

Pacem Christianis fuisse, à Severi temporibus ad Decium, annorum octo & triginta, excepto medio illo Maximini, qui Ecclesiarum Clericos vexavit, tempore, referebamus paullo ante è Sulpicio Severo: sed eam magis ac magis firmavit Imperator optimus Alexander Severus, qui Christum in larario suo coluit: & Edicto Christianos fieri permisit. Lampridius in ejus vita: *Judeis privilegia reservavit, Christianos esse passus est. Quin & Rescripto loca publica, quò convenirent, illis concessit. Lamprid. Quum Christiani quendam locum, qui publicus fuerat, occupassent, contra popinarii dicerent, sibi eum deberi,*

*beri, rescripsit, melius esse, ut quomodo-
documque illic Deus colatur, quàm po-
pinariis dedatur. Observatque Euseb.
Lib. VI. fuisse τὸ Ἀλεξάνδρου οἶκον ἐκ
πλειόνων πιστῶν σωεσῶτα, Alexandri
domum è multis Christianis compositam.*

C A P V T VII.

*Nonum, decimum, & undecimum Edi-
ctum proponuntur. Eusebius no-
tatus & emendatus.*

Valerianus Augustus, cùm Re-
scriptum dedisset ad Senatum
de persecutione in Christianos fa-
cienda, cujus Kaput habes in Cy-
priani Epistola ad Successum, à
Sapore Persarum Rege in servitu-
tem abductus est: Eo autem abdu-
cto Gallienus filius imperii parti-
ceps tempestatem adversus Chri-
stianos motam sedavit, potestate
facta illorum Doctoribus & Epi-
scopis munus suum fungendi, eos-
que in integrum restituit, & in pos-
sessione-

sessionem Ecclesiarum & cœmeteriorum, unde vi dejecti fuerant, misit. Euseb. Lib. VII. ἀλλ' οὐκ εἰς μακρὸν δόλειαν τ' ὡρᾷ βαρβάροις ὑπομείναντες Οὐαλλερναν, μοναρχήζας ὁ παῖς, σωφρονέστερον τὴν δόχλιν διαθήσεται, ἀνιήσιν τε αὐτίκα διαπεπραγμάτων τ' καθ' ἡμῶν διωγμὸν, ἐπ' ἐλευθερίας τοῖς τῷ λόγῳ περὶ εὐσεβείας τὰ ἐξ ἔθους ὑπὸ πειλεῖν δι' ἀντιγραφῆς περὶ τῆς ζῆας, ἥτις τῷτον ἔχει τ' τρόπον.

Αὐτοκράτωρ Καῖσαρ Πέπλιος Δικίννιος Γαλλῶν, Ὀσσεῆς, Ὀτυχῆς, Σεβαστὸς, Διονυσίῳ, καὶ Πινναῖ καὶ Δημητρίῳ, καὶ τοῖς λοιποῖς Ἐπισκόποις. Τὴν Ὀεργεσίαν τ' ἐμῆς δωρεᾶς διαπαντὸς τῷ κόσμῳ ἐκβιβαδύωμαι προσέταξα, ὅπως ἀπὸ τῶν τόπων τ' θρησκασίμων ἀποχωρήσωσι. καὶ διατῷτον καὶ ὑμεῖς τ' ἀντιγραφῆς τῆς ἐμῆς ὡς τύπῳ χρῆσθαι δυνάσθε, ὥστε μηδένα ὑμῖν ἐνοχλεῖν. καὶ τῷτον ὅπερ καὶ τὸ ἐξὸν δυνάσται ὑφ' ὑμῖν ἀναπληρῶσαι, ἥδη περὶ πολλῶν ὑμῶν ἐμὴ συνεχώρηται. καὶ διατῷτον Αὐρήλιος Κυρήνιος ὁ ἔμεγιστος πάγκοσμος.

πρὸς τὰς δυνάμεις, τὸ τύπον τὸ ὑπ' ἐμῶν δοθέν-
 τα Διαφυλάξτε. Non diu autem post,
 cum Valerianus apud Barbaros serviret,
 filius ejus solus Imperio potitus modera-
 tius se gessit in Imperio gubernando; &
 edictis promulgatis persecutionem ad-
 versus nos institutam cessare fecit: at-
 que adeò verbi Dei Antistites, quod ipsis
 in more positum fuisset, liberè exsequi
 per literas mandavit; quæ quidem sic se
 habent: Imperator Cæsar Publius Li-
 cinius Galienus, Pius, Fortunatus, Au-
 gustus, Dionysio, & Pinna, & Deme-
 trio, & cæteris Episcopis salutem. Meæ
 munificentia beneficium per universum
 orbem divulgari præcepi, ut qui loca il-
 la religiosa quæ sunt Christianorum pos-
 sident, ex iis statim discedant. Et pro-
 pterea vos mearum literarum exempla-
 ri uti poteritis, quo nemo deinceps vo-
 bis quicquam faceßat molestia. Atque
 istud quod liberè nunc vobis impleri per-
 mittitur, jam pridem à me erat con-
 cessum. His de causis Aurelius Cyre-
 nius, qui summam rerum secundum me

*administrat, literarum etiam exemplar
conseruabit.*

Καὶ ἄλλη ἣ ἔ' αὐτῷ Διάταξις Φέρεται,
ὡς πρὸς ἐτέρως Ἐπισκόπους πεποίηται,
τὰ τῶν καλῶν καὶ χρημῶν κειμηλίων ἀπο-
λαμβάνειν Ἱππιδρέπων χωρία. *Aliud
porro illius decretum esse fertur, quod
ad alios Episcopos dedit; per quod loca
que Cœmeteria vocant, occupandi po-
testatem fecit. Confert autem ista
Eusebius in annum imperii Vale-
riani sextum. Valeriano in Persas du-
cto, Gallienus nostris pacem reddidit.*

Hanc Ecclesiæ Christianæ pa-
cem mota ab Aureliano, anno im-
perii sui quinto, persecutio eri-
puit: sed redditam illi fuisse nul-
lum est dubium: à quo tamen Im-
peratore nobis non constat, qui
hîc cogimur maiorum nostrorum
supinitatem, ne quid gravius di-
dam, accusare: non enim ulla no-
bis ministrant argumenta, vel sal-
tem conjecturas, quibus queamus
è tantis tenebris aliquod attollere
lumen:

lumen. Sed , ut dixi , pacem Ecclesiæ redditam fuisse ante Diocletiani tempora, res ipsa est, non nostra conjectura : Vnde enim Christianis loca , in quibus convenirent , & conveniendi libertas , nisi indulgentiâ priorum Imperatorum? Sed cùm libertas ipsa adempta est , tum *mensē Martio in diebus Paschæ Ecclesiæ subversa sunt , decimo nono anno Diocletiani* , inquit Hieronymus in Eusebii Chronicis. Sed primus hanc persecutionem in Christianos compescuit, quamquam simulate, Maxentius: habes apud Eusebium Libr. viii. Τέττα παῖς Μαξένιος ὁ πλὴν Ἰππὶ Ρώμης τυραννίδα συστήσας, ἀρχόμενος μὲν πλὴν καθ' ἡμᾶς πίσις ἐπ' ἀρεσκείᾳ καὶ κολακείᾳ τῷ δήμῳ Ρωμαίων καθυπεκρίνατο· ταύτῃ τὲ τοῖς ὑποηκούοις τὸ καὶ Χριστιανῶν ἀνείναι πρὸς τὴν διωγμὸν. *Hujus filius Maxentius, qui Romæ tyrannidem occupare instituit, in ipso Imperii sui ingressu fidem nostram*

*se amplecti, quo populo Romano placeret
cumque blanditiis & assentatione deli-
niret, callidè simulavit. Et ea de cau-
sa illis qui ejus parebant imperio in man-
datis dedit ut persecutionem contra
Christianos remitterent. Vides pro-
positum fuisse à Maxentio, cùm
primùm ad Rempublicam geren-
dam Imperator accederet, Edi-
ctum: annus autem primus Ma-
xentii, Constantini Magni quo-
que primus est.*

Longè tamen melius aliquot
post annis consultum est Christia-
nis à Galerio Maximiano & Con-
stantino, qui postea Magnus est
appellatus. Nam Christianis sacra
suis Legibus facere & Ecclesias
ædificare Edicto caverunt. Legi-
tur illud apud Eusebium Libr.
VIII: cujus hæc sunt Kapita,
τὸ καὶ τῶν Χριστιανῶν ἀποπειρῶσαι διω-
γμὸν, νόμῳ τὲ καὶ δόγματι βασιλικῶν
πρὸς ἐκκλησίας αὐτῶν οἰκοδομεῖν, ἵπτι-
σώεσθαι τὲ καὶ τὰ σωήθη διαπεράττειν,
δύχασ

Ὀχλὰς ὑπὲρ τῶν βασιλείων ποικιλόμενος.
Persecutionem contra Christianos sedare, lege & decreto imperatorio eos templa sua edificare, rem maturare, consuetudine officia in illis facere, preces pro imperii statu fundere. Sed investigandus est annus propositi Edicti, qui Constantini Magni quintus est. id liquet ex Inscriptione Principalis hujus sanctionis: Αὐτοκράτωρ Καῖσαρ Γαλέριος Μαξιμιανὸς, ἀνίκητος, Σεβαστὸς, δεξιερῶς μέγιστος, Θηβαϊκὸς μέγιστος, Σαρματικὸς μέγιστος, πεντάκις Περσῶν μέγιστος, Γερμανικὸς μέγιστος, Αἰγυπτιακὸς μέγιστος, δις Καρπῶν μέγιστος, ἐξάκις Ἀρμενίων μέγιστος, Μήδων μέγιστος, Ἀδιαβλων μέγιστος, δημοarchικῆς ἐξουσίας τὸ εἶχον, Αὐτοκράτωρ ἐννεακαίδεκατον, ὑπὲρ τὸ ὄγδοον, πατὴρ πατρίδος, ἀνθυπαρχος καὶ Αὐτοκράτωρ Καῖσαρ Φλαύιος Οὐαλέριος Κωνσταντῖνος, Δοσεβῆς, Διτυχὴς, ἀνίκητος, Σεβαστὸς, δεξιερῶς μέγιστος, δημοarchικῆς ἐξουσίας
 Αὐτο-

Αὐτοκράτωρ τὸ πέμπτον, ὑπαὶϑ, πα-
 τὴρ πατρίδϑ, ἀνδρὺς παὶϑ. *Imperator*
Cæsar Galerius Maximianus, Invictus,
Augustus, Pontifex Maximus, The-
baicus Max. Sarmaticus Max. Quin-
quies Persarum Max. Germanicus Max.
Ægyptiacus Max. Bis Corporum Max.
Sexies Armeniorum Max. Medorum
Max. Adiabenorum Max. Tribunit.
Potest. XX. Imperator XIX. Cos. VIII.
Pater patriæ, Procos. Et Imperator Cæ-
sar Flavius Valerius Constantinus, Pius,
Felix, Invictus, Augustus, Pontifex
Maximus, Tribunit. Potest. Imperator
v. Consul, Pater patriæ, Proconsul.
 Maximianus præscribitur hîc Tribu-
 nitiæ Potestatis xx. Consul viii.
 Maximianus autem fuit Tribuni-
 tiæ Potestatis vicesimum, & Con-
 sul octavum, anno imperii Con-
 stantini Magni quinto. Vnde lu-
 xata hujus Inscriptionis verba, ubi
 de Constantino agitur, ita ordini
 suo restituiimus, δημαρχικῆς ἐξουσίας
 τὸ πέμπτον, Αὐτοκράτωρ, ὑπαὶϑ. Nu-
 merus

merus Tribunitiæ Potestatis paria facit cum numero annorum imperii illius : Consul inscribitur , non qui eo anno Consulatum gereret , sed quia Consul semel jam fuerat , anno secundo imperii sui ; hoc vero anno quinto Consul iterum designatus in annum sequentem. Vir CL. Onufrius historiæ pater , ita reponendum putabat , *δημαρχικῆς ἐξουσίας τὸ πέμπτον , Αὐτοκράτωρ τὸ πέμπτον. Tribunitiæ Potestatis v. Imperator v.* quasi concurreret numerus annorum Tribunitiæ Potestatis , cum numero appellationis Imperatoris. Quod nobis certum non videtur, neque necessum erat ; nam toties appellabantur Imperatores , quoties victoriam aliquam reportaverant. itaque in veteri Inscriptione præscribitur Constantinus TRIBVN. P O T E S T A T. XXIII IMP. XXII. & Galerius Maximianus in hoc Edicto esse dicitur Tribunitiæ Potestatis

statis xx. Imperator xix. quoties
scilicet meruit Thebaïci, Sarma-
tici, Persici, Germanici, Ægyptia-
ci, Carpici, Armeniaci, Medici,
Adiabeni, titulos. Quoties igitur
appellatus fuisset tunc tempo-
ris Imperator Constantinus nobis
non liquet. Diximus autem an-
num propositi Edicti esse quintum
imperii Constantini : quod est
commodè intelligendum ; Nam à
Chronologis sextus numeratur ,
Consulesque habet Imperatorem
Gal. Maximianum viii & Impe-
ratorem Licinium. Hoc anno ex
a. d. viii. Kalend. Augusti desi-
nebat annus quintus Constantini,
qui exinde vi annum & Tribu-
nitiam Potestatem sextum inibat.
Cum igitur propositum sit hoc
Edictum ab eo Tribunitiæ Pote-
statis v. Maximiano Consule viii.
sequitur propositum fuisse hoc an-
no antequam iniret Constantinus
Tribunitiam Potestatem vi. Rur-
sum,

sum, quum præscribatur Maximianus Potestatis Tribunitiæ vicesimum, & Consul V I I I, sequitur propositum esse Edictum intra mensem Ianuarium aut Februarium hujus anni; nam a. d. Kal. Martias Maximianus Tribunitiam Potestatem inibat XXI. Quare fallitur Vir CL. Sethus Calvisius, qui vult Edictum propositum fuisse circa mensem Aprilem. Eodem anno quum Tribunitiam Potestatem XXI. iniisset Maximianus, & Constantinus VI; obiit mense Septembri Maximianus, ut docent Fasti, paullo postquam hoc Edictum proposuisset, ut addit Eusebius: *ἀλλ' ὁ μὲν τῇ γραφῇς αἵτις Μαξιμιανὸς μὲν τινὲ τοιάνδε ὁμολογίαν αὐτίκα καὶ οὐκ εἰς μακρὸν τῶν ἀληθύνων ἀπαλαγεῖς μετὰλλάτις τῷ βίον.* Sed ille qui hujus edicti author fuit Maximianus, non longo tempore post hujusmodi confessionem habitam à vita migravit, doloribus quibus erat oppressus liberatus.

Ex his deprehendos Eusebii incogitantiam in Chronicis in assignanda Maximiani morte.

C A P V T V I I I.

Duodecimum & tertium decimum Edictum re censentur. de morte Maximini accuratè quaesitum.

ANno sequenti longè propensius in Christianos Edictum proposuerunt Constantinus M. & Licinius Augg. propter partam de Tyranno Maxentio victoriam. Eusebius Lib. IX. καὶ δὴ Ἰπὶ τέτοις αὐτοῖς τε Κωνσταντίνῳ καὶ σὺν αὐτῷ βασιλεὺς Λικίννῳ, μιᾷ βελῇ καὶ γνώμῃ, νόμον ὑπὲρ Χριστιανῶν πελειώσαντων πληρέσας ἀφαιρῶντων, ἐ τῶν πεπραγμένων εἰς αὐτοὺς ἐκ θεῶν τὰ ὀφειδοῦσα, τά τε τὸ καὶ τὸ τυράννευ Μαξενλίος νίκης, καὶ τὸ νόμον αὐτὸν, Μαξιμίνῳ ἀφαιρῶντων. *Posthac Constantinus, & Licinius Imperii cum illo particeps, uno consilio & animorum consensu legem pro*

pro Christianis perfectissimam plenissimè conscribunt, simul quæ erga eos Deus fecerat inopinata, & victoriam de tyranno Maxentio reportatam, & istam legem ad Maximinum mittunt. Legis varia Kapita habes apud Eusebium Lib. x. Annus scriptæ hujus Legis est Constantini M. septimus, ipso .II. & Licin. .II. Coss. cùm iniisset Constantinus M. ex a. d. VIII. Kalend. Augusti Tribunitiam Potestatem septimùm. Scripta autem est, superato jam Maxentio, qui prælio fusus est & periit hoc anno a. d. VIII. Kalend. Octobr. ad pontem Milvium. Hoc Edictum, ad se missum, promulgavit quoque Maximinus, qui Orientem obtinebat, ut habes apud Eusebium.

Sed quum vellet tantum Constantini gratiam hoc facto promereri Maximinus, paullò post in Christianos sæviit Cæsariano suo gladio, ut constat ex Eusebio. Itaque hinc factum puto, ut Con-

stantinus anno imperii sui octavo, ut numerant Chronologi, cum esset Tribunitia Potestatis *vi i.* mense Martio, ipso Constantino *i i i.* & Licinio *iii.* Coss. hoc Edictum anno superiore propositum denuo cum Licinio sanciverit.

Et Maximinus ipse, quum undique premeretur angustiis, antequam animam efflaret, Christianis de libera religionis professione, Ecclesiarum & instauratione, & Ecclesiasticis bonis agrisque, Edicto cavuit. *Eusebius Lib. ix.*
ἐπεὶ δὴ δεῖς δόξαν τῶν ἡμετέρων θεῶν, νόμον τε πρὸς τὰς ἐλευθερίας αὐτῶν πεποιθὲς, καὶ παρῆναι τὰς ἀγαθὰς αἰδέμενος, δύστανάς τας αὐλίας, μηδεμίαν αὐτὰς χεὶρ δόθειν τῆς εὐσεβείας, πελάτῃ τὸ βίον. Deinde Christianorum Deo gloriam tribuens, legem pro eorum libertate accuratissime plenissimeque constituit, & exemplo letibali angore excruciatu, absque ulla temporis dilatione è vita decessit. Edictique exemplar

sub-

subjungit & addit: αὐτῶν δὲ πρῶτης
 φωναί, ὅδ' ὅλον ἐνιαυτὸν τῶν καὶ Χρι-
 στιανῶν ἐν σίλῃς ἀναθεμελίωσιν αὐτῶν
 διαταγμάτων ὑπερέλασται. *Ista sunt*
ipsius tyranni voces, quas non anno in-
tegro post edicta contra Christianos co-
lumnis ab ipso proposita, literis mandan-
das curavit. E quibus verbis liquet,
 scriptam hanc Legem, & mor-
 tuum esse Maximinum eodem
 mense, hoc anno Constantini octa-
 vo, ut numerant, cum esset Con-
 stantinus Tribunitiæ Potestatis se-
 ptimum. Nam disertè adnotat
 Eusebius, non ipsum annum fuisse
 in vivis Maximinum, ex quo Chri-
 stianos vexaverat Edicto. Edictum
 enim illud in Christianos proposi-
 tum est à Maximino, vel paullo
 post quam Constantinus & Lici-
 nius Christianis Edicto consulue-
 runt anno superiore, vel hoc ipso
 anno nono. Quare peccat Euse-
 bius in Chronicis aliquot anno-
 rum prochronismo, in referenda

Maximini morte , mirasque dat
turbas in recensendis illius rebus
gestis in Historia Ecclesiastica :
quem secutus Baronius præter hæc
peccat , quod Maximinum mor-
tuum scribat anno Constantini M.
nono : quum tamen mense Iunio,
anno Constantini , ut numerant ,
octavo , paullo antequam Tribu-
nitiam Potestatem octavum iniret
Constantinus , mortuus sit Ma-
ximinus.

CAPVT IX.

Conclusio hujus nostræ Diatribæ.

HActenus à nobis recensita sunt
Principum Edicta in Christia-
norum gratiam propòsita , quæ
non poterant non rata & sancta ef-
se , etiam apud sævientes Princi-
pes : nam *beneficia priorum Princi-
pum firmare insequentes simul impe-
rium cepissent, solebant* , inquit Aure-
lius Victor in Nerva. At verò ubi

ea insuper habita sunt, & contrariis excitata persecutionis flamma est, eane propter à Christianis ad arma itum est, quibus jus suum tot Edictis quæsitum sibi assererent & vindicarent? Non certè: idque non, quia bello non essent apti; nam Imperatoribus militabant, & libenter trucidabantur: non, quia essent impares copiis, nam omnia implebant, urbes, insulas, castella, municipia, conciliabula, castra ipsa, tribus, decurias, palatium, Senatum, forum: sed quia dictum sibi à Deo meminerant, *in omni obsequio esse oportere subditos Magistratibus, & principibus, & potestatibus.* Rom. XIII. At fortè inquires, deerant Duces: Nihil minus. Quot enim Cassii, quot Nigri, quot Albini, quot alii multi scelestissimi parricidæ, qui tam libenter de novo Cæsare optabant, Christianos suorum esse partium, vel magno redemissent? Christiani verò contra,

fi fuit bellum, partes suas passi non sunt desiderari à Principibus, nec vel morte ipsa ab hoc sano proposito flecti potuerunt. Vide quæ referuntur ab Eusebio in Chronicis, imperante Adriano : *Cochebas dux Iudaicae factionis nolentes sibi Christianos adversus Romanum militem ferre subsidium, omnimodis cruciatibus necat.* Hæc nimirum erat illorum temporum disciplina, hæc Christianorum vita. Sed fuerunt quondam, nunc verò mutarunt tempora & mores ; ὦ καλὲ Θεὲ εἰς οἷς με καιρὸς πηρήκας. *Bone Deus in qua me tempora servasti.*

Nimirum hoc die

Vno plus vixi, mihi quam vivendum fuit.

Resipiscite tandem, ô boni, & artes illorum recognoscite, qui, ut in re Tragica verbis utar Comici,

ὡς οἱ πρὸς ἐγχείλαις θηράμενοι

Ὅτεν μὲν ἡ λίμνη κατὰσῃ λαμβάνουσιν ἔδεν.

Εὖ ἀν

Εἰς δ' ἄνω τε καὶ κάτω τὸ βόρβορον
 κυκῶσιν, οὐδ' αἶψα
 Αἶψασι. καὶ αὐτοὶ λαμβάνουσιν, ὡς τὴν
 πύλιν παρέχουσιν.

*Quemadmodum qui venantur angu-
 las nihil capiunt cum lacus est tranquil-
 lus, sed multas auferunt si cœnum sur-
 sum deorsum miscuerint: ita & ipsi po-
 tiuntur urbe quam turbaverint.*

Vos quoque hîc appello, Impe-
 rii Gallici Antistites, caritate sub-
 venite. Non hîc ferro vestro opus
 est, sed gladio Dominico, ne re-
 gnum factionibus scindatur, & re-
 ligio ipsa Christiana in pericûlum
 vocetur, si res, quod absit, in ner-
 vum erumpat. Eo vos vocant ve-
 nerandæ antiquitatis exempla; eâ-
 que maximi Prîncipes censentur
 laude. Tu, REGVM. OPTIME.
 MAXIME. LVDOVICE., in
 partem illius veni, & multos an-
 nos feliciter impera: id nos votis
 Deum poscimus. Domine Iesu Chri-
 ste, qui pax es nostra, qui fecisti utraque
 unum,

*unum, fac nos unum, ut verè tandem
cantemus: Ecce quàm bonum & quàm
jucundum, habitare fratres in unum.
Introduc concordiam, pelle discordiam:
introduc teipsum in titulos tuos. tu ma-
ne: non alter possideat, & de tuis velis
fallat. AMEN.*

Τῷ Θεῷ πατρὶ δόξα καὶ χάρις.



D E
SACRORVM
DISSIDIORVM
CAVSIS,
EFFECTIS,
ET
REMEDIIS.



AMSTELODAMI,
Apud Ludovicum Elzevirium,
c1o 1o c XLIX,

AGROLOGIA


DISSERTATIONES

CAVENDISH

1791



1791



1791

SACRORVM

Diffidiorum causis, effectis,
& remediis.



*Pirat universus jam præ-
pè Christianus orbis ar-
morum, immaniſſimè per
Europam tot annis graſ-
ſantium, compositionem.*

*Pacem quoque Eccleſiaſticam, ſine qua quies
politica nunquam tuta, nunquam certè ſe-
cura hætenus fuit, multi & viri eruditi,
& magni Principes loquuntur. Ego ſolen-
ne illud, quod bene vertat, tam ſalutari-
bus cogitatis apprecatus, & porro cuilibet
aliquid ad novum hoc Pacis templum con-
ferendum exiſtimans, quæ de ſacrorum
diffidiorum cauſis, pio quodam mentis
impetu nuper commentatus ſum, annota-
re conſtitui. Quibus porro effecta earun-
dem diſcordiarum; & denique remedia,
quæ ex omnibus ſaluberrima fore videren-
tur, ſubtexere libuit, ſtylo, quantum*

4 DE SACRIS
tempora ferunt, libero, animo certè, Deum
& conscientiam testor, factionibus mini-
mè omnium obnoxio.

Multiplices Sacrorum Dissi- diorum causæ.

CAUSÆ sacrorum dissidiorum non pau-
ca numero sunt, earumque aliæ per se,
aliæ fortuito, aliæ ex propinquo, aliæ emi-
nus, & per gradus aliarum, ad infelicem
excludendum fœtum suum concurrunt.
Mihî nec omnes in mentem venisse scio,
nec quæ venêre, scribi omnes dignæ visæ
sunt. Precipuas commemorabo, idque stri-
ctim & summa sequens fastigia rerum;
Aliis addere his suas, hasque ipsas, si lu-
bet, excolere & diducere licebit; imo ut
id faciant, autor sum, certus bonas ho-
ras nusquam melius quàm in tali argu-
mento collocari posse.

I. Causa primaria est Sathan ipse,
antiquus ille homicida, ille auctor discor-
diarum, ille acerrimus pacis hostis; qui
Ecclesiam diu per Neronem, Diocletianos,
&

& similia sua organa carceribus, exiliis, gladiis, equuleis persecutus, cum tempestates hæc desæviissent, intestinis mox discordiis eandem conturbare ac pervertere cæpit. Bellum ille perpetuum gerit cum Christi discipulis, in quo nihil ei optabilius contingere potest quàm hostium dissidia, & mutue ejusmodi collisiones; permittente hunc ei ludum Deo, tum quod voluntatis humanæ libertati vim facere non vult; tum quod vitia in Christianismo luxuriantia ulciscitur; tum denique quod bonum aliquod ex hoc malo & potest, & solet educere, quale inter alia est, quod divisæ ita inter se Christianorum partes, mutuâ emulatione aut metu intra qualiscunque modestiæ ac probitatis, saltem externæ, terminos plerumque contineantur.

2. Ingenium hominum non renatorum ad discordias pronum.

Velle suum cuique est, nec voto vivitur uno.

Planè ut vultibus, ita sententiis plerumque discrepamus mortales, etiam quos una

tegit domus, una alit mensa, idem denique venter tulit. Vnde ille in apologo non abs re, cum in colle stans calvarias aliquam multas sacco effudisset, & earum quæque diversâ ferretur viâ, quot capita, inquit, tot sententiæ. Sed hæc ingenii humani scabies in religione, ubi minimè debebat, imprimis se exerit, huicque pacis matri, alumne, custodi petulanter & de industria insultat.

3. Tantò autem pronius in rixas ruit ingenium hominis, cum vitiis imbutum est, imprimis Avaritiâ, radice ut omnium malorum, sic & discordiæ. Nam cum præcipua litium materia sit Meum, Tuum, materiæ huic ut plurimum ignem injicit Avaritia, dum ut quod suum est amplissimum faciat, id quod tuum est querit quo vis modo suum facere. sed cum ubique fidem, probitatem, Deos negligere (verba Sallustii sunt) omnia venalia habere, doceat; tum certè in Religione Christiana maxima dedit mala; dum divitiis inhians qualicunque prætextu, sæpè & sacro, nova auri feracia procudit arripitve inventa;

mox

mox & concitato opibus suis, dum parantur, odio, paratis invidiâ, aliis imperia excutiendi, aliis invadendi cupidinem, plerumque certè novationum, tumultuum, seditionumque occasiones præbet.

4. *Iuncta huic altera pestis est Ambitio, non illa tantùm publica primatûs, dominationis, & splendoris mundani studio, apertoque interdum sacrorum neglectu oculos seculi nimis feriens; sed & privata, que in cedendi dedignatione cernitur, vincere cum veritatis etiam dispendio quærens, & quandoque vel per lites, discordias & mala publica clarescere cupida.*

5. *Comitatur istam aut sequitur plerumque Curiositas, illa simplicitatem antiquam, & antiquitatem simplicem fastidians; cui segnitia videtur repertis acquiescere. Nova concupiscit, nec contenta paucis & facilibus; sed ut stomachi luxuriantes solent, multa, varia & peregrina appetit. Id verò malum tantò & altius crevit, & ramos sparsit latius, postquam Spiritus Philosophicus, ille à sobria mode-*

istaque veri inquirendi ratione, quam minimè vitupero, sejunctus; ille ignota penetrare citra revelationem, aliisque porro obtrudere ardens; ille supera movens & infera; non in Scholas tantum, sed & Ecclesiam sese infudit. Quis nescit quàm discordes semper inter se Philosophi egerint? In quam diversas unius Socratis schola & sententias & sectas discesserit? Quæ denique opinionum portenta insipiens illa sapientia foverit? Adeo ut non absurde aliquis ex grege ipsorum dixerit, nihil tam absurdum esse quod non aliquis Philosophorum asseruerit. Sed ut alta de Deo extra revelationem differendi audaciam Platonismus, ita disputandi pruriginem & subtilitatem Peripatetismus maximè docet, ille præsertim in vitium detortus, qualis nunc inter Christianos viget, & litigandi impetiginem ingeniis affricuit, perexiguo aut nullo discentium fructu, luculento certè Ecclesiæ damno. Publici enim Doctores ac Rhetores in scholis ab ungue tenero, contortis argumentorum stringendis nodis, variisque simul pere-

peregrinarum doctrinarum acuminibus ac spinis insueti, eadem illa sapientia humane inania, non in libris tantum, quales plurimi identidem hoc genus argutiis, sepe & convitiis calumniisque pleni protruduntur: sed in conventibus etiam Ecclesiasticis, qui magnam partem ex hominibus plebejis, rudibus, subtilitatum magis avidis quam capacibus constant, ostentare solent: subtilia magis quam utilia, magis abstrusa, quam adificationi servientia, & quod pessimum, cum acerbissima plerumque dissentientium insectatione, nec non allegatione alienarum sententiarum iniquissimâ, docentes. Ista verò tam doctrinarum, quam convitiis acumina, eloquentie seu favis oblita, seu fulminibus armata, ita plerumque demulcent aut percellunt animos lectorum auditorumve, ut & pro verissimis amplexentur talia, quamquam vix aut certè perperam intellecta, eademque ab omnibus credi velint; aliter verò sentientes & oderint acriter, & si liceat, persequantur. Præcipue autem imperitum vulgus istis rapitur,

semper alioquin amoris aut odii nimium; cum sacris porrò opinionibus intumuit, & à Religionis Ducibus seu Notis quibusdam inflatur, paulo momento non in tumultus tantum, sed in cedes & bella, nisi remora adsit, impellitur. Per verò mirum est (quod non possum hîc non tangere) male adeo constare sibi subtilis istius sapientiae consultorum quosdam, ut in subtilitatibus ejusmodi fingendis docendisque plurimum indulgeant Rationi humanae, etiam supra revelationem divinam; tandem tamen philosophando cò se patiantur abripi, ut non tantum dogmata revelatione nullâ suffulta, sed & rationi planè contraria, docere non dubitent; breviter, cùm ratione incipiant philosophari, sine ratione desinant. Quid verò revelationem prætergressis, rationis autem judicium modò audientibus nimium, modò nimium deprimentibus, certum ita ac solidum esse possit, quin mille vacillationibus; controversiis & dissidiis locus sit?

6. *Sed hoc insuper dolendum est maxime, quod cùm disputatores illi tot subtili-*
tati-

tatibus ultra revelationem inductis, mentisque porro humana captui repugnantibus Theologiam implicuerint, adeo tamen in iis superbè audacterque definiant, & definitiones suas aliis obtrudant, ut recipere abnuentes odio protenus, contumeliis, injuriisque dignos deputent. Omnia scilicet illis liquida videntur, etiam obscurissima; nusquam ampliant, nihil Deo, tempori, disquisitioni ulteriori remittunt. Et definitiones illæ questionum subtilium obscurarumque (nam illas bonæ frugis, & mores ordinemque bonum spectantes, utut humanas, suo tamen honore dignas reputo) cum humanæ sint, ferè tamen pari cum divinis apertè liquidoque revelatis pretio æstimantur. Cum deinde reperitur aliquis (ut fermè ad obscura excutienda rapitur mortalium curiositas) qui oppugnare humana ista ausit, & non ineptè oppugnare videatur, paratæ factiones, parata dissidiis, odiis, schismati materies est.

7. Verùm quando & de iis quæ revelata omnes fatentur, controversiæ sunt, ut sanè sunt non pauca, eæ ut plurimum ex diver-

diversa Scripturae locorum, in quibus revelatio continetur, interpretatione nascuntur; cum quòd multa in literis loca ita sunt difficilia & abstrusa, ut nec à partium earumdem Theologis eodem pacto intelligantur aut explicentur; tum & quòd circa hæc obscura præter necessitatem (cum in istis cardo salutis non vertatur) sua ac aliorum ingenia potissimè vexare amant sacrorum consulti; denique quod paucissimi subsidia ad probè explicandas Scripturas necessaria habent, nec modo utuntur legitimo; quippe plerumque interpretationes suas non reliquæ & alibi apertius loquentis Scripturae harmoniæ, non regule fidei vitæque semper, ubique, & ab omnibus receptæ, sed suæ sectæ novis, privatis, ac peculiaribus institutis, modo quocunque, plerumque etiam detorquendo accommodant.

8. *Ceterum his gradibus tandem effectum est (in quo ipsissimum sacrae Eridos cubile positum puto) ut dogmata religionis & in immensum multiplicata sint, & plurima obscuritatibus maximis implicita,*
adeo-

adeoque longissimè à simplicitatis primigenia & Apostolica unico, aperto, & seculis omnibus trito tramite, in diverticula multifaria & latebroso recessum sit. Vt enim in viarum divortiis fieri solet, ut alius hanc alius illam ingrediatur, ita in Religione quò plura, quò obscuriora vigent dogmata, hoc promior in dissensiones prolapsus.

9. Secutum inde alterum propè gravius malum, quod omnia illa inter Christianos adeo multiplicata dogmata, à Christianorum plurimis, pro planè necessariis ad salutem habeantur. Certè saluberrimum illud inter dogmata ad salutem necessaria & minus necessaria discrimen, prope ignoratur hodie, aut saltem in oblivionem venit inter Christianos.

10. Cui affine est, quod rituum externorum seu ceremoniarum ad salutis cardinem, aut partem aliquam cultus divini insignem non pertinentium, libertatem obliteratam videmus. Quæ quidem ut pro diversitate locorum, temporum, populorum variant, ita variare citra & salutis & concordia detrimentum poterant inter pacis

cis amantes. Nunc tamen inde frequentissima dissidiorum incendia erumpunt.

11. *At cum necessaria ad salutem dogmata ab initio Christianismi in Ecclesia Christi obtinuisse, & adhuc inter additamenta etiam, aut detruncationes, quas partes sibi objiciunt, obtinere necesse sit: par erat ea maximè inquire ac teneri quæ ad eum modum uno, & ex Apostolicis temporibus continuato tenore inter Christianos credita sunt; quæque talia sunt, non tantum pro liquidò veris certisque, sed & pro necessariis ad salutem haberi. Id quia neglectum est hætenus, contra verò secta qualibet id quod maximè privatum, adeoque à vero, antiquo, & perpetuo Catholicismo alienissimum habet, id & credit firmissimè & ab aliis credi vult, & aliter credentes odit persequiturque quâ potest; hoc quoque inter primarias discordiarum causas haberi meretur.*

12. *Inter salutaria autem Christianæ Religionis dogmata cum omnium longè apertissima & clarissima sint, quæ Pietatis & Charitatis præcepta continent, de his*
jam

jam pridem Christianorum plurimis minima cura est. Nec hoc satis; Ea urgentur maximè quæ studium Pietatis, Charitatisque enervant; unde ingens jam humanis in animis Charitatis Pietatisque consecutum frigus est. Charitate autem Pietateque exolescente, quæ concordia constet inter mortales? Cum mater & anima concordia Charitas sit, hacque una efficere possit, ut etiam qui opinionibus distant, affectu inter se consentiant. Iam Pietas cum alias ferè omnes virtutes, tum imprimis Modestiam, animique submissionem complectitur; virtutes ad Concordiam tutandam præcipuè facientes. Illæ enim nec opinione scientiæ, nec scientiâ veri inflantur, & si res ferat, cedere potius amant alteri, seque quantum per divina jura licet, submittere, denique & de sententiarum, quantum fieri potest, rigore remittere, quàm descendere in rixas, aut vincula rumpere communionis.

13. Non exiguum quoque discordiis & vexationibus mutuis ostium aperuit pravus vocabuli Fidei intellectus. Eò enim deven-

deventum est, ut plerique Christianorum non nisi illi Fidem tribuant, qui certas unigue sectæ proprias dogmatum formulas, definitiones, confessiones particulari hujus aut illius ingenio conceptas, quam fortè Scriptura minus, aut certè non liquidò conformes, nec perpetuæ Christianismi universitati consonas, approbet recipiatque pro certissimis. Iam cum Fidei, hoc est credentibus Scriptura salutem æternam ubique promittat, incredulis contra minetur condemnationem; sit inde ut quisque receptis ipsorum Fidei (ut appellant) Confessionibus non toto animo subscripserit, illicò ut infidelis, ut regni divini exsors, ut servus & victima Daemonum de cætu proscribatur, & porrò odiis, convitiis, omnis generis injuriis, aliquando & morte multetur.

14. Sed ipsi etiam Principes aliquando dissensum in sacris vel invehunt vel foveant, ad principatum sibi constituendum, conservandum, augendumve. Sic olim Ieroboam cum excitata in filium Salomonis seditione novum sibi strueret imperium,

nova

nova illicò sacra , nova idola invexit. At
 fas est credere plerosque equidem hodie
 Principum meliores esse , quàm ut fædum
 illum Apostatam imitari velint. Nihilomi-
 nus aliis modis (quod pace illorum dixe-
 rim) culpæ se reddunt affines, dum scilicet
 hominibus turbulentis, Aquilonum instar,
 Christi cymbam jactantibus , & dissiden-
 tium debiliores quàm possunt , non dissidio-
 rum causas, tollentibus, cum ponere obicem
 possent (nam de talibus loquor , quorum
 minus limitata potestas est) nimium indul-
 gent: non procurantes pro virili, ut quibus
 animæ hominum curæ sunt, in publico non
 nisi antiquam , catholicam, perpetuam &
 necessariam veritatem , juxtaque cum hac
 vitæ ex præscripto Domini nostri agendæ
 officia, doctrinâ & exemplo commendent ,
 instillent, inculcentque; ut quæ dubia, per-
 plexa , paucisque comprehensibilia sunt,
 tanquam ad salutem minus necessaria ar-
 ceantur quantum fieri potest à publico, aut
 merissimis Scripturæ verbis expressa pro-
 ponantur ; privatim verò inter capaces,
 quàm sobriissimâ placidissimâque disquisi-
 tione

tione examinentur. Praiverunt hac in re Principibus aliis exemplo laudatissimo Serenissimi Hollandiae West-Frisiaeque Ordines Decreto suo anni 1614. Si tanta molis negotium non eum habuit exitum, qualem pii Ordines & multi boni spe praeceperant, id verò temporum illorum iniquitati, & animis nondum ad tam arduam rem preparatis tribuendum existimo.

15. Per accidens denique discordias in Statu Politico & Ecclesiastico movet promovetque publica Christianorum regnorum tranquillitas, & ab externis motibus quies; inimica adeo otii ac felicitatis suae est natura humana, ut nisi habeat alibi quod mordeat, figat in sua ipsius viscera dentes. Id visum evidenter tempore Constantini Imperatoris. Ante hunc, cum Orbis imperium Christianorum hostes & persecutores Pagani tenerent, Christiani & boni & concordēs agebant. Illo gubernaculis admoto, & Christi sacris initiato, illicò serpere sacrae lites cœperunt, quæ tandem in publica dissidia & bella exarsere. Sic nostro ævo Belgium, simul ut pactis cum
Hispa-

Hispaniarum Rege induciis arma suspenderit, ortâ inter Theologos dissensione, immanibus dissidiis tumultibusque fluctuavit. Faxit Deus, ut in itâ de novo cum eodem Rege pace, nunc non fluctuet.

Perniciosi Sacrorum Dissidiorum effectus.

I. **C**ontentionibus de Religione, ut quibusdam fortè in dogmatibus veritas evasit splendidior; ita in aliis obscurata magis quàm illustrata est. Dum nempe dissidentium inter se partium validissima, deditâ quasi operâ, quo longius à se distarent, in extrema contraria abièrè; sicque adeo processerunt odia, ut dum nullâ parte adversario similes fieri cupiunt, non mala tantùm ejus, sed & bona aspernentur. Vna & simplex erat, ut olim Christi, sic veritatis tunica: raptata deinde discordibus Christianorum studiis, tandemque in partes varias discissa est.

Paucissimi in integrum student eam restituere, partibus in unum comportatis.

Plerique contra partem suam tot clavis, tot laciniis, tot plicis obtegunt aut deformant, ut quod de vero habent omnes (habet autem qualibet multum, nedum satis veri necessarii) alter in altero aut nequeat, aut nolit agnoscere: accedente inprimis, ut solet factionibus, cæco odio, pertinaciâ, & cedendi dedignatione, hostibus ut veritatis sic concordia irreconciliabilibus.

2. *Diversæ in minus capitalibus Religionis dogmatibus sententiæ inter bonos modestosque, sacra amicitia fœdus non solvunt, adeoque tolerari poterant, dum quietæ, turbarum fugientes, & sic sine noxa sunt Reipublicæ. Interim verò amicis placidisque hominum capacium collationibus ventilari, ac si fieri possit componi debebant. At nunc deterrimo Christianorum more fatoque, in diffidentiam illicò mutuam, nullâ etiam jurisjurandi religione securam, in odia internecina, in convitia, injuriasque, in seditiones denique & bella publica eaque intestina plerumque, bellorum omnium maximè abominanda, degenerant. De quo dubitare non sinunt cum*
histo-

ria veteres & novæ, tum hodie ipsa totius Europæ regna, quæ ut bellis immanissimis ardent aut arserunt omnia, ita primam mali flammam ex Sacris dissidiis concepere. Omnium ferè conditio miserrima & facies cadaverosa est; præcipua eorum in cineribus suis sepulta & vix adhuc fumantia, quale monstrum sit, quod Bellum dicitur, demonstrant. Monstrum profecto horrendum, & quod Divini nominis, & sacrorum omnium profanationes, quod scortationes & adulteria, depeculationes bonorum, homicidia innocentum pro virtute habita, luxûs famisque extrema, vastitatem & excidia urbium provinciarumque, omnes denique divini & humani juris violationem complectitur.

3. *Bellis porro hisce, nudum Christianæ Reipublicæ latus hostibus externis objicitur, Turcis præcipuè, illius imperio jamdudum inhiantibus. Notum est quàm contra vim alienam invalida sint regna, quæ domi atteruntur, quæ in commune non consulant; quàm plerumque qui singuli pugnant, universi vincantur. Omne regnum,*

inquit, pacis magister Filius Dei, omnis urbs in se divisa devastabitur.

4. *Inter hac sententiarum divortia, mutuaque omnium odia, anguntur maximè animis, qui optimi sunt Christianorum; qui imbecilles, ad desperationem ferè adiguntur, & sicubi eminus qualemunque unitatis vel stricturnam vident, ad eam per errores etiam ac præcipitia tendunt; qui discinctiores ingenio & vitâ sunt, male de Religione sentire incipiunt, tandemque in Atheismum prolabuntur, extremum quod in hominem cadere potest, in hac vita, maximeque omnium horrendum & exitiale malum.*

5. *Illis qui à Religione Christiana alieni sunt, per has discordias obex ponitur, ne de ea discenda recipiendave vel cogitationem suscipiant. Rarissimi certè persuaderi sibi patiuntur, ad eos uti accedant, quos in tot factiones vident divisos; quorum tamen meliorem partem adjungendam denique esse ad populi Christiani societatem sacra docent oracula. Id quod inter alia spem bonis omnibus præbet, si consilia pacifica*

fica porro procedent, brevi tandem hos, quorum conversionem discordes moramur, composito inter nos fœdere eundem nobiscum Christum adoraturos.

Præcipua Sacrorum Dissidiorum remedia.

1. **Q***uia constat concordiam Deum, dissidiis Sathanam (cui & nomen inde) delectari, Dei esse omnes instrumenta malimus quam Sathana, quem novimus summum humani generis Adversarium esse: adeoque lites non secus ac furias infernales toto animo aversati, pacem ut utilissimum homini, Deo vero gratissimum bonum spiremus, modisque omnibus promoveamus; Sathana, antiqui homicida, turbulentis molitionibus obnixè resistentes, & ut Deus ipse nostri misertus, potentia suâ catenas illi injiciat, publicis ardentissimè precibus ac gemitibus assiduis orantes.*

2. *Cum nota sit nobis ingenii humani in dissensiones propensio, coercenda ea est freno Rationis, & Spiritus Christi mode-*

ramine regenda. Reprimenda inprimis Ambitio, illa dominatu externoque splendore nimium & sibi placens & aliis displicens, & ut quævis audentius definire atque imperare solita, ita in æquum descendere, & vel bona docentes audire indignans. Cohibenda in religione lucrum quarens Avaritia, quam per se, idololatriam verissimè vocat, & ut idololatriam, criminum omnium caput, quàm maximè fugi jubet divinus Apostolus. Refrenanda Curiositas, quam sacram jure luxuriam dixeris; nauseantem scilicet ad pauca & antiquissima Christi & Apostolorum ejus scita, tædipque istorum novis, variis, iisque peregrinis dogmatum velut cupediis inhiantem.

3. *Philosophicarum subtilitatum spinæ à præsepi Christi arceantur, ut ignorata Apostolis & fugi etiam jussa. Imprimis verò absit à Christianis spiritus ille altercator, ille gaudens captionum laqueis, & litigiosarum questionum veluti colubris sese unice nutriens. Quod si è scholis eliminari nequeat, quod & ipsum tamen boni quidam*

dam viri, quanquam forsan frustra, optant, saltem intra scholasticos cancellos conclusus, à Theologia spatiis & à sacris præcipuè ambonibus, exesse jubeatur. Ne seminentur obsecro in vulgus infausta ista sentes, quibus nobile divini verbi semen facile enecatur, & misera Christi membra non nisi in mutuas convulnerationes armantur. Sed cum primis quoque conticescat maledica illa in conciones & fratres (quanquam forsan alicubi errantes) publicè invehendi licentia, verissimum odiorum, seditionum, bellorumque inter Christianos classicum.

4. *Rationi humana, maxime privata, ne permittatur inter Christianos, Scripturam pro divina recipientes, ullum dogma in Scripturis non inventum, multò minus his contrarium, pro absolute ad salutem necessario venditare. Revelata verò in Scripturis, quantumvis rationis superent captum, religiosâ nihilominus modestiâ acceptanda sunt. Quæ non revelata, rationi verò contraria sunt, pro suspectis; quæ rationi simul & revelationi aperte contraria, meritissimo jure pro falsis habenda.*

5. *Sed quia variantes Scripturæ interpretationes discordiis & originem & campum semper maximum præbuerunt, diligentissimâ circa illas circumspeditione opus est. Ac primò statuendum existimo, non universa Scripturæ interpretationes, atque inprimis locorum difficultum, quibus perplexiora Theoreticæ Theologiæ dogmata contineri creduntur, absolute necessarias esse Ecclesiæ Christi; eo quod quæ ad salutem cujusvis sufficiunt, clarè satis in Verbo Dei expressa habeantur, adeo ut & intellecta semper ac ab omnibus Christianis recepta sint, & nunc quoque à quovis non factioso. Sed Christi spiritui, & Catholico Christianismi totius, præcipuè antiquioris, consensui sese submittente, satis intelligi vel sine operosa interpretatione possint. Quod si quis contrà, totius Scripturæ interpretationem ad salutem necessariam esse contendat, quæram ego, quotusquisque ita salvus, aut de salute saltem sua certus futurus sit? Nonne maximam semper Ecclesiæ partem fecerunt ac faciunt homines simplices, & citra singularem Spiritus sancti*

Et illuminationem, explicationum operosarum incapaces? Nonne inter eruditos etiam pauci sunt, qui præsidia ad interpretationem Scripturæ necessaria habeant? ut sunt præter divina adjumenta, Hebræa, Græca, Syriaca, Targumistica, Hellenistica, Latine linguae, item Phrasium his omnibus usitatarum, rituum simul Iudaicorum, & Provinciarum exacta cognitio, item exemplaria sanctorum librorum quàm optima & correctissima, longa in lectione & scrutatione eorundem librorum exercitatio, vita ab aliis curis semota, cum viris eruditis collatio, & alia id genus plurima, sine quibus locorum difficultium interpretationem haud rectè procedere experti nōrunt. Quæ rarissimo cuique contingunt omnia, & ii quibus præcipuè creduntur contigisse, annon errorum & postulantur & convincuntur ab aliis? An vel duos in tanto eorum numero nominare possis, qui in omnibus inter se consentiant? Nonne maximus in multis dissensus apparet? Nonne loca reperies quæ aliter Augustinus, aliter Hieronymus, aliter Theophylactus,

lactus, aliter Erasmus, aliter Maldonatus, aliter Lorinus, aliter Beza, aliter Camero, aliter Grotius interpretantur? Nonne dubius harebis, cui ex istis fidem adhibere debeas? Et si sine interpretatione locorum ejusmodi, salus constare non posse credatur, quî certus esse de salute tua poteris? Quî certi erunt alii de sua? Rectè itaque concludere videor, locorum Scripturæ omnium, inprimis abstrusorum, interpretationes non absolutè esse necessarias; interim utiles tamen esse, si rectè instituantur, non est negandum: si scilicet homines cunctis ad tam arduum negotium necessariis subsidiis instructi, iidemque pii & modesti, invocato diligenter divino Numine, obscura ex facilibus & apertis, ad Fidei ab omnibus & semper receptæ analogiam amussimque, sine ira & studio interpretentur; & hæ ipsæ tamen interpretationes non pro certissimis aut divinis illicò jubeantur recipi; sed ut humanæ & ab erroris periculo non planè immunes, Ecclesiæ judicio & libero cujusque examini subjiciantur.

6. Caput omnium quæ in hoc argumen-

to dari possunt, consiliorum est, ut missâ tot dogmatum disputabilium & minus necessariorum multitudine, ad pauca, certa, & necessaria redeatur; ad simplicitatem nempe primam Apostolicam, postea perpetuâ traditione in Ecclesia derivatam. Ista verò in Christi & Apostolorum ejus verbo, hujusque imprimis dictis liquidis clarisque, quarendâ est. Et ex his sanè deprompta sunt necessaria illa Fidei, illa liquida, certa, catholica dogmata, quæ totus ubique Christianismus perpetuò, hoc est ab ipsis Apostolorum temporibus ad hæc usque nostra, continuato publico consensu credidit creditque. Ac talia sunt quæ in Symbolo continentur Apostolico, receptâ Christianorum tessera, quæ antiquo & optimo more à quovis Christi sacris initiando requiritur. Atqui de hujus etiam ipsius Symboli sensu controversiæ sunt, inquires? Sunt fa-teor, sed ea ferè omnes non nisi à curiosis nimium Scholastico - Theologis & Theologo-Philosophis motæ fœtæque; quibus scilicet sacram hanc artem sine modestiæ fræno facientibus (de probis nempe Theologis

hîc

hic non loquor) unum ubique studium est in quaestiones ex quaestionibus, consequentias ex consequentiis, & denique lites ex litibus serere absque modo & fine. Vnde ne usquam litigandi materia desit, in explicationem Symboli universam propè Theologiam Theoreticam, quæ hodie ingens & multorum voluminum est, sicque cum eâ immensa controversiarum agmina inferunt, labore non dicam noxio, sed minime necessario; cum sine istis quaestionum nodis boni Christiani Symbolum sufficienter per Dei gratiam intelligere possint. Motæ verò quaestiones illæ operosæ, rixarum quàm bonæ frugis pleniores, ingenio verò humano aliquando vix explicabiles, uti defensores suos pariterque oppugnatores plerumque inveniunt, unde perpetua contendendi materies; ita inter defendentium oppugnantiumve partes nec semel adhuc mutuâ silentii conventionem transactum legimus. Semper in hanc vel illam partem decisum est, ac plerumque cum partis alterius damnatione, exiliis, carceribus, aliisque gravibus malis comitata. At licet, imò neces-

*necesse est, inquires, ut quisque Symbolum,
 & præter Symbolum alia quædam, ut de
 justificatione, de bonis operibus, de peccato,
 &c. dogmata intelligat, intelligenti porrò
 licet mentem circa illa suam clarius expli-
 care, atque edisserere uberius. Planissimè
 fateor licere, hac tamen lege, quam subin-
 de repeto, ne in subtilia questionum abeat
 explicatio, atque inprimis ne unquam à
 primorum, & hinc continuato reliquorum
 Christianismi seculorum consensu discedat.
 His limitibus nostri de Fide sensus maxi-
 mæ nostræ securitate & incredibili Orbis
 Christiani bono includantur. His & for-
 mule, articuli ut vocant, confessionesque
 Fidei omnes circumscribantur: quæ eò quod
 qualibet Sectarum hætenus propriam sibi
 & à Catholicismo dissonam finxit, variæ
 & discordes, nec fere aliud quàm pugnan-
 tium partium signa & quasi vexilla Mar-
 tia fuere. Caterùm Symbolo Apostolico, aut
 alii ejusmodi credendorum formule, ad
 primi Christianismi & hinc perpetuò con-
 tinuati Catholicismi amussim quàm rigi-
 dissimè & quantum fieri potest de commu-
 ni*

ni omnium partium consensu exacta, si
vita præcepta ex Christi & Apostolorum
monumentis deprompta addantur, habe-
bit Christianus quilibet, ubi securè possit
consistere. Circa præcepta verò minus dis-
sidiorum fore existimo, quòd sectæ aliæ
quidem aliis magis, omnes tamen, pietatem
commendent; nulla certè sit quæ inutilem
esse aut negligendam apertè ausit docere.
Et ut tantò magis hîc controvertendi ansa
præcludatur, consultissimum fuerit in sa-
crorum Novi Fæderis librorum lectione
omnia quæcunque ibi non uni alicui, sed
omnibus vel categoricè imperantur, vel
ut facienda affirmantur, siue id simplici-
ter, siue cum addita præmii pænæve con-
ditione fiat, pro necessariis vitæ officiis ha-
beri, eaque adco quemlibet Christianum,
quantùm spiritu & divinis adjumentis
suffultus potest, exequi. Quæcunque verò
ultra catholicum omnium, maximè primo-
rum seculorum, consensum recepta, & ob
perplexitatem discordibus Christianorum
studiis agitata, seu de Fide, seu de Operi-
bus dogmata habentur, pro minus ad salu-
tem

tem necessariis habenda, adeoque in publico aut reticenda, aut nonnisi puris putis solius Scripturae verbis citra additionem detractionemve proponenda; privatim pie, modesteque, salvâ dissentiendi libertate, salvâ inter dissentientes caritate, mutuâque tolerantia examinanda, denique si concordia aliter constare nequeat, planè silentio transmittenda sunt. Atque ut quod suademus hîc, tantò facilius quisque sibi persuaderi patiatur, perpendat velim illa Sancti Apostoli ad Rom. XI. 3. verba: Pro gratia, inquit, quæ mihi data est dico cuiusvis versanti inter vos, non plus sapere quàm oportet sapere, sed sapere ad sobrietatem, & sicut unicuique Deus divisit mensuram fidei. Item illa ad Corinthiorum Ecclesiam, I Epist. IV. 6. In nobis, inquit, discatis non sapere supra id quod scriptum est, ut ne alius pro alio inflemini adversus alium. Denique insignium Ecclesiæ Doctorem monita audiat. In simplicitate, inquit Hilarius lib. x. de Trinitate, fides est, in fide justitia est, in confessione pietas est. Non per difficiles nos Deus ad

beatam vitam quaestiones vocat, nec multiplici eloquentis facundia genere sollicitat. In absoluto nobis ac facili est aternitas, Iesum suscitatum à mortuis, Deum credere, & ipsum esse Dominum confiteri. Sic Augustinus de Peccato Originali, cap. XXIII. Quis non sentiat, inquit, in his atque huiusmodi variis & innumerabilibus quaestionibus, sive ad obscurissima opera Dei, sive ad Scripturarum abditissimas latebras pertinentibus, quas certo aliquo genere complecti & definire difficile est; & multa ignorari salvâ Christianâ fide, & alicubi errari sine aliquo haeretici dogmatis crimine? Et in Enchiridio cap. LIX. Quid opus est ut haec atque huiusmodi asfirmentur, vel negentur, vel definiantur cum discrimine, quando sine crimine nesciuntur? Et in libro I. de Trinitate cap. III. Nec pigebit me, sicubi haesito, querere; nec pudebit, sicubi erro, discere. proinde quisquis haec legit, ubi pariter certus est, pergat mecum: ubi pariter haesitat, querat mecum; ubi errorem suum cognoscit, redeat ad me; ubi meum,

re-

revocet me : ita ingrediamur simul Caritatis viam , tendentes ad eum de quo dictum est , *Quærite faciem ejus semper.* Item, *Qui hæc legens dicit, intelligo quidem quid dictum sit, sed non verè dictum est ; asserat si placet sententiam suam , & redarguat meam si possit. Quod si cum caritate & veritate fecerit , mihi que etiam cognoscendum facere curaverit , uberimum fructum hujus laboris mei cepero.*

7. Sed quæres de ritibus quid judicem, de quibus non minor hætenus quàm de fidei capitibus dissensio est. Fateor vulgarem maximè hunc esse fluentium in gregem Christianum rixarum canalem ; eo quod vulgus interioris Christianismi rude & incuriosum in externis hæret , inde religionem & Sacra communionis jura metitur. Fateor insuper nec sperandam ferè esse omnium ubique rituum conformitatem in Christianismo, sed nec ita obstinatè quoque expetendam reor, ac si absque ea Christianismus stare nequeat. Instruendus potius populus est , ut putamina ista à vero salvificæ fidei ac pietatis nucleo discernere discat.

discat. Quod si tamen ille, ut fit, ritus alicujus veteris vel novi ita pertinax sit, ut eum sine turba non videatur remissurus; Sapientiorum est dare potius aliquid imbecillitati rudiorum, quàm abruptâ severitate, cui jam ferè pares non sumus, scindere amplius populos nimio plus discordes.

8. Verum enim verò feliciter procedere hoc componendorum dissidiorum negotium non potest, nisi caritatis pietatisque studium in animis hominum refloruerit. Ita enim ferè comparatum est, ut quo quisque flagitiosior, hoc pronior in turbidum sit: multique mortaliùm vitæ suæ maculas discordiis publicis operire conantur. Plures autem probitate susque deque habitâ, religionem omnem in religionis quantumvis erroneæ zelo, eoque improbo plerumque, sæpe & crudeli, & injuriis variis despumante ponunt. Caritate igitur verâque Pietate opus est: missisque adeò quæ citra Salutis jacturam ignorari possunt controversiis, ad utramque illam animis humanis instillandam studia omnium labo-

boreſque convertantur. Cum primis a-
vide ſe huc applicent, qui negata bono-
rum operum neceſſitatis ab aliis inſimu-
lantur. Agè factam ſibi injuriam probitate
indies majore oſtendant; eamque ad rem
præcepta à Sanctiſſimis autoribus discipli-
næ ſacræ frenos ne reſpuant; ſed juxta
cum his agè pariter omnes Chriſtiani ſibi
bonâ fide perſuadeant; omnium lingua-
rum, omnium myſteriorum, ſcientiarum-
ve notitiam, omnem fidem, omnem rerum
etiam chariſſimarum jacturam, ſine Ca-
ritate, ut Apoſtolus docet I Corinth.
XIII. ne hilum prodeſſe; perſuadeant ſi-
bi fidem ſine operibus mortuam eſſe, &
circa cadaver digladiari, qui vitæ officia
negligentes, dogmata Fidei, eaque non
uſquequaque certa, tantâ acrimoniâ alio-
rumque inſectatione oppugnant. Caterum
expenſis Caritatis viribus, quas ei Apoſto-
lus tribuit, inducor ut credam firmiſſimè,
iſtâ inter Chriſtianos reſuſcitâtâ Concor-
diam ſimul redituram. Caritas patiens
eſt, benigna eſt, ergo neminem Chriſto
adhæreſcere cupientem diris, exiliis, gla-

diis persequetur. Non inflatur, non est ambitiosa: ergo superbas in obscuris dubiisque definitiones non amat, nec aliis invitis, aut non capientibus imponit. Non irritatur: ergo nec in dissentientem, doli imprimis mali immunem. Omnia suffert, omnia credit, omnia sperat: ergo ad condemnandos alios, & terra caloque proscribendos minimè princeps est. Omnia sustinet, ergo pati injurias potius quàm inferre: ergo cedere quàm inutiliter altercari mavult, inprimis de incertis. Addam & reliqua Apostoli verba, cum pariter ad rem plurimum faciant. Caritas, inquit, nusquam excidit, sive prophetiæ abolebuntur, sive linguæ cessabunt, sive scientia destruetur. Ex parte enim cognoscimus, & ex parte prophetamus. & paulò post, Videmus nunc per speculum in enigmate, tunc autem facie ad faciem; nunc cognosco ex parte, tunc autem cognoscam, sicut & cognitus ero. Pertinet huc quod idem Apostolus ad Romanos XIV. I. scribit, Debemus autem nos firmiores imbecillitates impotentium sustinere, & non


nobis placere. Vnusquisque vestrum proximo suo placeat in bonum ad ædificationem.

9. *Fides salutifera à confessionibus & dogmatibus uni alicui Christianorum factiōi propriis diligenter discernenda est. Fides enim illa cui Salus promittitur, non formularum ejusmodi particularium receptionem, sed firmum assensum Scripturæ præbitum, fiduciamque imprimis in Deo & Christo unigenito Dei Filio, summō & veritatis Magistro, & Servatore, & Rege Ecclesiæ suæ positum, atque ortum inde erga divinum Numen amorem & fidele obsequium complectitur. Quare qui particulares aliquas confessiones, ab hominibus extra communem Christianismi universi consensum factas, non planissimè pro divinis recipit, haud illicò pro infideli, multò minus pro indigno qui in Republica aut Cætu Sacro toleretur, habendus est; dummodo liquida illa & catholica, necessariaque dogmata non tollat, & dissensu in aliis obscurioribus suo ad turbandam vel Ecclesiam vel Rempublicam non abutatur.*

10. *Principum officium est, ista omnia*
quæ

qua hactenus enumeravimus pro auctoritate, quam soli Divina secundam habent, promovere, atque ut fiant, quantum in ipsis est, procurare. Præcipuè verò id agant, ut & ipsi & ipsorum exemplo subditi, paucis, catholicis, & in Ecclesia perpetuo receptis fidei capitibus contenti, cæteram omnem curam animique contentionem ad vitam piè, justè & sobriè instituentem convertant. Hominibus inquietis, specie Religionis ad turbas abutentibus, & quemlibet vel minimum in Sacris dissensum infami hæreseos, blasphemia, impietatisque titulo traducentibus, & quæ possunt crudeliter persequentibus, ne indulgeant, multò minus auctoritatem potentiamve suam gratificentur. Sit ipsis accurantibus, piæ simplicitati bonos; careant præmiis disputationes rixosa & inutiles: obscura & non necessaria dogmatum, privatis hominum modestorum disquisitionibus subjici fas sit; hac tamen lege, ut ubique boni & pacis publica prima habeatur ratio. Amen.

F I N I



PROTECTOR



discat. Quod si tamen ille, ut fit, ritus alicujus veteris vel novi ita pertinax sit, ut eum sine turba non videatur remissurus; Sapientiorum est dare potius aliquid imbecillitati rudiorum, quam abruptâ severitate, cui jam ferè pares non sumus, scindere amplius populos nimio plus discordes.

8. Verum enim verò feliciter procedere hoc componendorum dissidiorum negotium non potest, nisi caritatis pietatisque studium in animis hominum resfloruerit. Ita enim ferè comparatum est, ut quo quisque flagitiosior, hoc pronior in turbidum sit: multique mortalium vitæ suæ maculas discordiis publicis operire conantur. Plures autem probitate susque deque habitâ, religionem omnem in religionis quantumvis erronea zelo, eoque improbo plerumque, sæpe & crudeli, & injuriis variis despumante ponunt. Caritate igitur verâque Pietate opus est: missisque adeò quæ citra Salutis jacturam ignorari possunt controversiis, ad utramque illam animis humanis instillandam studia omnium la-

boresque convertantur. Cum primis a-
vide se huc applicent, qui negata bono-
rum operum necessitatis ab aliis insimu-
lantur. Agè factam sibi injuriam probitate
indies majore ostendant; eamque ad rem
præcepta à Sanctissimis autoribus discipli-
næ sacræ frenos ne respuant; sed juxta
cum his agè pariter omnes Christiani sibi
bonâ fide persuadeant; omnium lingua-
rum, omnium mysteriorum, scientiarum-
ve notitiam, omnem fidem, omnem rerum
etiam charissimarum jacturam, sine Ca-
ritate, ut Apostolus docet I Corinth.
XIII. ne hilum prodesse; persuadeant si-
bi fidem sine operibus mortuam esse, &
circa cadaver digladiari, qui vitæ officia
negligentes, dogmata Fidei, eaque non
usquequaque certa, tantâ acrimoniâ alio-
rumque insectatione oppugnant. Ceterum
expensis Caritatis viribus, quas ei Aposto-
lus tribuit, inducor ut credam firmissimè,
istâ inter Christianos resuscitatâ Concor-
diam simul redituram. Caritas patiens
est, benigna est, ergo neminem Christo
adhærescere cupientem diris, exiliis, gla-

diis persequetur. Non inflatur, non est ambitiosa: ergo superbas in obscuris dubiisque definitiones non amat, nec aliis inuitis, aut non capientibus imponit. Non irritatur: ergo nec in dissentientem, doli inprimis mali immunem. Omnia suffert, omnia credit, omnia sperat: ergo ad condemnandos alios, & terra caloque proscribendos minimè præceptus est. Omnia sustinet, ergo pati injurias potius quàm inferre: ergo cedere quàm inutiliter altercari mavult, inprimis de incertis. Addam & reliqua Apostoli verba, cum pariter ad rem plurimum faciant. Caritas, inquit, nusquam excidit, siue prophetiæ abolebuntur, siue linguæ cessabunt, siue scientia destruetur. Ex parte enim cognoscimus, & ex parte prophetamus. & paulò post, Videmus nunc per speculum in enigmate, tunc autem facie ad faciem; nunc cognosco ex parte, tunc autem cognoscam, sicut & cognitus ero. Pertinet huc quod idem Apostolus ad Romanos X I V. I. scribit, Debemus autem nos firmiores imbecillitates impotentium sustinere, & non

nobis placere. Vnusquisque vestrum proximo suo placeat in bonum ad ædificationem.

9. *Fides salutifera à confessionibus & dogmatibus uni alicui Christianorum factiōni propriis diligenter discernenda est. Fides enim illa cui Salus promittitur, non formularum ejusmodi particularium receptionem, sed firmum assensum Scripturæ præbitum, fiduciamque imprimis in Deo & Christo unigenito Dei Filio, summo & veritatis Magistro, & Servatore, & Rege Ecclesiæ suæ positum, atque ortum inde erga divinum Numen amorem & fidele obsequium complectitur. Quare qui particulares aliquas confessiones, ab hominibus extra communem Christianismi universi consensum factas, non planissimè pro divinis recipit, haud illicò pro infideli, multò minus pro indigno qui in Republica aut Cætu Sacro toleretur, habendus est; dummodo liquida illa & catholica, necessariaque dogmata non tollat, & dissensu in aliis obscurioribus suo ad turbandam vel Ecclesiam vel Rempublicam non abutatur.*

10. *Principum officium est, ista omnia*
que

quæ hætenus enumeravimus pro auctoritate, quam soli Divina secundam habent, promovere, atque ut fiant, quantum in ipsis est, procurare. Precipue verò id agant, ut & ipsi & ipsorum exemplo subditi, paucis, catholicis, & in Ecclesia perpetuo receptis fidei capitibus contenti, cæteram omnem curam animique contentionem ad vitam piè, justè & sobriè instituentem convertant. Hominibus inquietis, specie Religionis ad turbas abutentibus, & quemlibet vel minimum in Sacris dissensum infami hæreseos, blasphemia, impietatisque titulo traducentibus, & quæ possunt crudeliter persequentibus, ne indulgeant, multò minus auctoritatem potentiamve suam gratificentur. Sit ipsis accurantibus, piæ simplicitati bonos; careant præmiis disputationes rixosæ & inutiles: obscura & non necessaria dogmatum, privatis hominum modestorum disquisitionibus subjici fas sit; hac tamen lege, ut ubique boni & pacis publicæ prima habeatur ratio. Amen.

F I N I

 BIBLIOT.
ROMANA
VITTORIO EMANUELE

